

مصطفى محمود



المكتبة العربية

www.tipsclub.com
amly

عنبر V



دارالمعارف

مصطفى محمود

عنبر V

الوقت والخيال

الطبعة الرابعة



دار المغارف

1973 - 1974 - 1975 - 1976 - 1977 - 1978 - 1979 - 1980 - 1981 - 1982 - 1983 - 1984 - 1985 - 1986 - 1987 - 1988 - 1989 - 1990 - 1991 - 1992 - 1993 - 1994 - 1995 - 1996 - 1997 - 1998 - 1999 - 2000 - 2001 - 2002 - 2003 - 2004 - 2005 - 2006 - 2007 - 2008 - 2009 - 2010 - 2011 - 2012 - 2013 - 2014 - 2015 - 2016 - 2017 - 2018 - 2019 - 2020 - 2021 - 2022 - 2023 - 2024 - 2025

الوقت رخيص

في مقهى المتبولى كل شيء رخيص.. الوقت رخيص..
والكلام رخيص.. والضحك رخيص.

تستطيع أن تدفع ثمن كوب من الشاي وتجلس.. فتأق
الحياة إلى مائدتك.. تأق إليك آخر الأخبار.. وآخر
الإشاعات.. وآخر النكت.. ويسعى إليك رجل ليمسح
حذاءك.. ورجل آخر ليقرا عليك موعظة.. وآخر يسحب
لك قرءا.. وآخر يبتلع منشأرا ويحملك أنت وكرسيك على
أرنبه أنفه.. ويقول إنه فنان يأكل أربعة أرغفة فى الفطور
من عرق جبينه.

وعلى الرصيف بين كيزان الحلبية والطراير وباعة
الكشرى تجدد نفسك جزءاً من «سينما سكوب» شعبى يتغير
باستمرار.

الجرسون وهو يحمل على ذراعه ثلاث طلبات وشيشة
وطاولة وطقطوقة ويترنح وهو يصيح «أيوه المضبوط
معايا..أهوه» والمحامى الشرعى وهو يجلس لا يبدو منه
إلا قفاه وقبضة يده وهى تروح وتجيء فى حلقات من
الدخان.. القضية فى إيدي اليمين.. النفقة.. والمقدم..
والمؤخر.. والبهذلة كمان.. كله على الله وعلى.. هى دى أول
قضية والا آخر قضية يا بو سليمان؟

وشلبى أفندى صاحب المونوكل والبايون والمنشة..
ومكوجى الرجل بدكة سرواله التى تتدلى على الأرض..
والعمدة والسمسار.. وبائع القلل.. والنشال.. ومدرس
الخط.. وأمور الضرائب.. والمأذون.. والشماس..
والعرضالجى.. ومائة آدمى. منكفئون على الموائد يلعبون
النرد ويتهايمسون ويتشاجرون ويعلو شجارهم فنسمع بين
قرقرة الدش والدبش كلماتهم المبحوحة.

- دى معاملة يا راجل.. ده كلام تقوله.. أردھا أردھا
ازاى.. والشنب ده كله يروح فىن.. دنا أقطع الدراع الى
تتمد لها.. دى واحدة ما يتمرش فيها العشرة والمعروف..

خمس سنين.. وأنا شايها فى عينيه هات يا زكى.. روح
يا زكى.. اقبض يا زكى.. ادفع يا زكى.. أطلع يا زكى..
انزل يا زكى.. لما داخ زكى وغلب.. وآخر المواخر تعمل فى
كده.. وعاوزنى أردھا.. أردھا ازاى. دا الطلاق فيها شوية..
دى عاوزة الدبح.. الدبح والكعبة الشريفة يا شيخ.. وحق
المقام الطاهر.. وحياتك يا نعمة.. إنى بعث أهلى على الولية
دى. وخربت بيتى وشردت عيالى.

بلاش تعاملنى أنا عامل ربنا.. عامل ضميرك.. وخليك
حاكم عادل.. يرضيك خرابى.. يرضيكوا أنتوا يا ناس..
دنا زكى.. زكى أبو الذهب.. اللهم طولك يا روح.. زكى
يطاطى لولية قليلة الأصل.. ويرجع فى كلامه.. طب والله
لأنا رايع مخلص على الولية دى عشان ترتاحوا.. أوعوا
بقه.. أوعوا سيبونى.. أوعوا ياناس..

وتتشابك حلقة الناس حول الزوج المحتاج.. فيجلس
وهو يسب ويلعن، ثم تعود الضجة فتغزق فى قرقرة الدش
والدبش من جديد..

ويتسلل إلى المقهى رجل ضامر هزيل يبيع الكتب..
وينادى عليها بصوت رفيع مخنوق..

ابتهالات.. أوراد.. استخارات.. خطب منبرية.. أحاديث
محمدية.. تفاسير..

ويدور في المقهى مرتين.. ثم يتوقف عند جماعة من إخواننا الأقباط وبهمس:

قصص الآباء اليسوعيين.. أقانيم حنا وبولص.. وصايا القمص جورجيجوس.. كلمات بطرس الناسك..

ويختفى في الزحام ثم يعود للظهور ليدس في يد كل واحد إعلاناً ويوشوش في أذنه..

كتاب غرامى، اجتماعى تناسلى.. قصة امرأة باعت جسدها للشيطان.. صورة صريحة تعرفك بالمرأة على حقيقتها مائة صفحة من اللذة المتواصلة.. أسرار الحياة الجنسية تكتب لأول مرة..

ويفتح الكتاب على رسم عار ويلوح به في إغراء ثم يرفع عقيرته من جديد:

ابتهالات.. أوراد.. استخارات.. خطب منبرية.. أحاديث.. تفاسير..

ويختفى بين الموائد المزدحمة وسحب الدخان.. ويصفق زبون في الركن. ويطلب قهوة على الرميحة.. ثم ينسى الطلب وينام. وينام على وجهه الذباب ويتدلى فكه وتتراخى ذراعه في شبه غيبوبة..

والوقت يمضى.. والنهار ينتصف ويبدأ المقهى ينفذ ويتحول الطيبة النابضة إلى طيبة ميتة.. الكراسى مصطفة

في دوائر كل منها ينظر إلى الآخر كأنه يتكلم.. وعلى ظهر كل منها بقعة كبيرة من الزيت والعرق.. وعلى مقابضها بصمات متلاصقة.. وعلى الأرض آثار البلغ والأحذية والقباييب والأقدام العارية وأعقاب السجائر.. وفي الركن الشيشة تستند إلى الحائط وجراتها ما زالت تنفث الدخان.. وعلى الحوض عشرات الأكواب مقلوبة، والمعلم يفتح درج الحساب ويعدد القروش والجرسون يجلس القرفصاء على الأرض وقد اعتمد رأسه بين يديه. وأمامه على الحائط تتدلى لوحة كبيرة مكتوب عليها بالكوفي.. يارب. وإلى جوارها صورة للحرم النبوى.. وكشف طويل بأسعار الينسون والقرفة والقهوة والشاى والمسل.. وفي الناحية الأخرى.. يتكلم الحاج أمين العجوز.. وأمامه السواك والمنشة.. وقد استغرق في نوم عميق.. وإلى جواره يجلس المعلم زكى.. الزوج النائر لكرامته يلعب وحده أمام طاولة مفتوحة ويلقى بالزهر في عصبية.. والصمت يلف المكان.. ويدوى له صوت في الأذن.. صوت أعلى من الضجة.. ويتحرك المعلم زكى لينهض.. وفي رأسه نية مبيتة. إنه ذاهب إلى مطلقة وهو ينهب الأرض بخطوات مسرعة وقد كشر عن أنيابه.. وشدد القبضة على عصاه.. لن تعيش فطومة بعد اليوم، سوف تصبح في عداد الموق..

ويعبر الميدان وأعصابه تغلى.. ويقطع شوطاً حامياً من

المشى فى عدة شوارع وأزقة بدون هدف.. ثم يبدأ فى الهدوء.. وتتبخر ثورته. وتذهب مع العرق. وتتراخى قبضته على عصاه ويقف عند قصاب ليشتري عدة أرطال من اللحم. ثم يقف مرة أخرى أمام قفص الدجاج ليشتري بطة.. ثم يضرب فى الأزقة حتى يبلغ سوق الفاكهة فيشتري لبشة قصب.. ويحمل هذه الهدايا كلها إلى بيت فطومة..

ويقف أمام الباب يدقه فى فرح حيوانى، وهو يبرم شاربه.. ويتخيل الليلة المقبلة.. وفطومة فى أحضانه وخدها يتلوى تحت شفتيه.. ويجرى ريقه بطعم ساخن طرى كقطع الملبين.. فيدق من جديد.. وقد تدفقت فى عروقه رغبة ملححة.. وفى نفس الوقت.. تدق ساعة الميدان..

لقد مضت ثلاث ساعات من الوقت.. الوقت الرخيص.

عنبر ٧

سنة كاملة قضيتها فى هذا المكان راقداً فى عنبر كالخرابة فى مستشفى من عشرات العناير مبعثرة فى الصحراء كعلب الصفيح.. بين مرضى يسعلون ويلهثون كأنهم فى عالم بلا هواء.

كل شيء هنا منظم.. حتى سعالى يعاودنى كل ليلة مع الفجر فيضبط المرضى عليه سباتهم.. فإذا انقطع يوماً أقبلوا علىّ بوجوه مصفرة ورفعوا عن رأسى الغطاء هامسين:

- وله.. وله يا عوف.. مال حسك مش باين ليه.. أنت ميت.

فأسعل في حدة لأؤكد لهم أنى ما زلت حيًا وبصحة جيدة. سنة بطولها.

ومضيت أفكر.. في حين تملل الزميل الذى يرقد على السرير بجوارى وناولنى الصحيفة التى يقرأ فيها وهو يشير إلى خبر أحاطه بالخبر..

- شوف.. طلعوا دوا جديد للصدر..

ومسحت العرق عن جبيني ولوحت بيدي في وجه الذباب الذى ينام على فراشى ويغطيه كحبات صغيرة من الفلفل.. وكان الحر لا يطاق.

وعاد صاحبي يلوح بالصحيفة:

شوف الدوا الجديد..

وعدت أمسح العرق من جبيني وألعن الدوا الجديد والدوا القديم..

- يا أخى سببني في حالى..

- ده.. دوا.. حايخففك في شهر..

- يا سيدى مش عايز أخف.. عايز أموت..

- أعوذ بالله..

- تصور نفسك راقد في التلاجة دلوقت.. ومفيش عليك ديانة واحدة.. تساوى كام دى..

- أعوذ بالله.. قال الله ولا فالك يا شيخ..

- ليه يا سيدى.. وأنت آخرتك حاتروح فين حاتروح السبيا.. ما أنت حاتروح التلاجة برضه..

- يا سلام على بوزك الفقري..

ونظر إلى في غضب ثم لوى شفتيه وترك الغرفة.. وجلست وحدى أنبش الأرض وأتأمل ظلى المكوم على الرمل.. وانظر من جانب عني إلى الأفندي الوحيد الذى يلبس البيجاما بين المرضى وهو واقف في الممر يغمز إلى الممرضة بعينه فتضحك وتبدو في خديها غمازتان..

وضايقتي هذا الغزل فوقفت ألوح بيدي عند الباب:

- يا ست..

- إيه يا عوف عايز إيه؟

- دماغى..

- ماها دماغك؟

- عايز أسبريته..

- طب روح على سريك الأول وأنا أجييلك إلى إنت

عايزه.. ما تقفش كده زى غفير الدرك..

- غفير درك إيه يا ست.. هو أنا مش مالى عينك.. والا

يعنى أكنى مش لا بس بيجامة.. والا يعنى..

ورفعت صوتي ليصل إلى الطبيب ورحت أجعر:
 - والا يعني فيه خيار وفاقوس في العنبر.. والا اكمنى
 ساكت ومش عايز أتكلم.. والا يعني الطيب في الدنيا دى
 ما ينفعش.. لا يا ست.. دنا راجل حر.. وال..
 وناولتني الدواء لتسكتنى
 ووضعت الأقراص في شق جلبابى.. وخرجت أتمسك
 أمام العنبر..
 وكان في انتظارى منظر طريف.. سرب من الزائرات
 عائد لثوه من الدرجة الأولى.. تتقدمه امرأة نحيلة
 ممصومة.. تسير في الأطله وتصرخ بصوت مسرع:
 - أمال فين جهاز التكييف.. مش حقة المستشفى يحط
 جهاز التكييف في كل أوده.. مش حقة الإدارة ترش ميه..
 وتحط شماسى.. وتزرع الصحرا دى.. حرام العيان يعيش
 بالسنة والاثنتين ما يشوفش حاجة خضرا.. حرام.. حرام..
 وغمغمت الممرضات في سخرية: حرام.. حرام.. حرام..
 وجريت كالفأر أفتح باب العربة للدمام وأراقبها وهى
 تجلس في الأطله على المقعد وتقبل على صاحبها هامة:
 - لازم أفوت على الكوافير.. شعرى بقى زى
 العنكبوت.. أوف.. إيه الحر ده.. السوتيان شادد على
 صدرى خالص.. معاكى إزازة الكولونيا..

- ازاي مدام ليليان تحط جوزها في مستشفى زى ده..
 ده متفى.. دى لازم عاوزه تقتله..
 - أصله غنى أوى.. وعجوز..
 - وبجلاية وطاقيه تصورى!
 وسكبت الكولونيا على يديها وراحت تغلسها عدة
 مرات وانطلقت العربة..
 وحينما أفقت إلى نفسى كان إلى جوارى.. الشيخ
 حامد.. درويش العنبر الأبله.. وكان يلوح بالعصا في وجهى
 وهو يهتف كعادته:
 - قول يارب..
 ووجدت نفسى أطلعته على قفاه في غيظ:
 - يا أخى طهقتنى.. يا أخى ربنا موجود في كل مكان
 وشايفك وسامعك.. ومش عايز هلوستك دى.. جدد.. جدد
 شوية في الفن..
 - أجدد ازاي يا راجل يا ضلالى؟
 - قول يا فلوس.. قول يا عمارات..
 - أمشى انجر يا راجل يا ضلالى.. أنت ربنا مش
 حايفتح عليك أبدا.. مش طالع منها عمرك يا كافر..
 يا مجوسى..

ولوح بالعصا في وجهي وبانت في عينيه الشراسة..
فأسرعت هارباً إلى غرفتي وسمعتة يضرب النافذة
بنبوته ويصيح:

- قول يا رب..

وكان الليل قد انتصف حيناً ألقيت بنفسي على فراشي
ورحت أنظر إلى شريط القمر المفضض الذي ينساب من
النافذة.

وأغمضت عيني.. ولكني ظللت مؤرقاً.. كان شخص
ما يصفر تحت نافذتي ويتأوه بأغنية عاطفية.. وكنت أشم
دخان سيجارته عند أنفي.. وقعت أسير في خفة على أطراف
أصابعي.. وخرجت من العنبر فوجدته جالساً على دكة
ورأسه مائلة إلى الوراء وعيناه ثابتتان على القمر الشاحب..
نصف مغمضتين.. هو نفسه الروميو المتيماً أبو بيجاما فقلت
ساخراً:

- يا سلام على الجلالة يا سلام.. وخداك الجلالة أوى
ياوله.

فانتفض كأنه يفيق من إغفاءة:

- مين.. إيه ده.. فيه إيه..

- فيه عذول يا عاشق الروح.

- إيه الكلام الفارغ ده.. إنت إيه اللي جابك.
- الحب هو اللي جابني.. الحب يا روحى.. الحب
يا فاتك. يا قاتل.

وركعت عند قدميه بحركة مسرحية..

فضحك:

- أما بهلوان صحيح..

أيوه أضحك يا روحى.. ورينى سنانك اللولى..
وشفايفك الورد.. أضحك عشان قلبي يضحك لك.. لطفى..
روحى.. قلبي.. حبيبي..

- يا راجل اعقل..

- أنا اللي أعقل.. أنا يا صايع يا غواطلى.. ضحكت
علينا الناس يا شيخ.. ماشى سرحان.. قاعد سرحان.. نايم
سرحان.. على إيه ده كله.. واخده عقلك أوى يا خويا..
بتقولك إيه والنبي..

- يا راجل بلاش كلام فارغ..

- بتقولك.. لطفى.. طوفه.. طفطوفه.. ارحمنى.. باحبك..
خدنى معاك.. قوللى بحبك يا نرجس..

- لا.. دنت.. زدتها خالص..

يا راجل يا شخشيخة.. يا راجل فوق لنفسك.. وفتح

عينيك.. مش كويس كده البنات يجروك من خطمك زى
الخروف.. مش كويس كده البنات ياكلوك ويحلو بيك.. بص
لنفسك فى المراية.. شوف وزنك إلى راح.. شوف وشك
الأصفر.. لا بتاكل.. ولا بتشرب.. ولا بتتام.. وقاعد
يا عينى إيدك على خدك زى الولايا.. مكوى يا ضنايا
وسهران.. واللى كاويك رايح فى سابع نومه.. قلبى عليك
يا روح أمك..

- بلاش قلة أدب يا عوف..

- حاضر يا روحى غلطان.. متأسف.. هات إيدك
أبوسها وراسك كمان وخدك.. و..

- بلاش تهريج..

- أنا قلبى عليك.. العواطف هنا تجارة.. البنت بتكسب
بيها الدكتور والعيان والموظف والمأذنون.. وتضع أنت فى
الزحمة.. مش راح توصل أبداً.. حاتوصل للمشرحة يدوبك.
ما عندكش حاجة تبيعها فى السوق.. ما عندكش عمارة
ولا عزة ولا رصيد فى البنك.. ما عندكش إلا صحتك..
وعمرك.. وأيامك اللى بتعيشها بقطع النفس..

فأجاب فى ضعف وقد اصفر وجهه:

- وعازينى أعمل إيه..

- عازيك تشوف صحتك.. تلتفت لنفسك..

- لكن أنا باحبها يا عوف..

- بتحب إيه حيك برص..

- بحب نرجس.. وهى بتحبنى أنا لوحدى..

- يا سلام على الطهارة يا سلام.. لايق عليك العبط
والله.. أهو أنا دلوقت عذرتها..

- ليه..

- عشان الواحد عيب يشوف حمار زيك فى السكة
مالوش صاحب.. ولا يركبوش.. ده أنت لقطة..

وكان العاشق قد ضاق بالحديث، فهب واقفاً..

- إيه رايح على فين؟

- رايح اتمشى فى الجبل شوية..

- حد يتمشى فى الجبل فى نص الليل..

- زهقان ومش جايلى نوم..

- طب خدنى معاك أحبك من الدية..

وتأبطت ذراعه وسرنا تنسكع بين كنبان الرمل.. وبلغنا
غرفة التليفون.. وكان عامل التليفون يغط فى نومه وجرس
التليفون يدق على رأسه بشده.

وأسرعت إلى السماعة أرفعها.. آلو.. وكان الصوت يأتى

من الخارج، من مكان بعيد، من القاهرة..

- آلو.. عاوز الأنسة نرجس من فضلك..

وابتسمت وأعطيت السماعة الثانية لزميلى ليسمع ذلك
الصوت الحبيب الذى يعيشه..

آلو.. دقيقة واحدة من فضلك.

وطلبت بيت البنات:

- آلو الأنسة نرجس معاك يافندم..

ووضعت إصبعى على فمى محذراً لطفى من الدخول فى
المكالمة.

- آلو نرجس.. أنا عادل..

- أهلاً عدولة.. ازيك.. انت فىن واحشنى خالص.. إيه
كل الغيبة دى يا خاين.. دانت ما يتمرشى فيك العيش
صحيح..

- ما يتمرشى فى العيش والويسكى.. مش كده..

- هىء.. ويسكى إيه بقى متفكر نيش.. دنا فى حالة يعلم
بيها ربنا.. لا باكل ولا بنام.. ولا..

- يا سلام على الإخلاص..

- مش مصدقنى طبعاً عشان إنت خاين.. لكن ربنا عالم
بحالى.. أنا الى عايشة على ذكراك وخيالك..

مؤثرة يا بت.. قطعى قلبى..

- بلاش تريقة يا عدولة.. أنا لازم أشوفك.. لازم
أقابلك.

- لكن أنا مشغول اليومين دول..

- أخص عليك ونرجس حبيبتك.. النرجس العطشان
مين يرويه..

- أنا أرويه يا روحى.. أرويه بدمى..

- لا مش عايزة دمك.. أنت دمك ثقيل.

- آمال عايزة إيه..

- عايزاك إنت.. عايزة قمورى..

- طب تتقابل بكره.. استناكى فى البيت الساعة
السابعة..

- واجى الألقى قمورى مستنى.. وعلى نار..

- تيجى تلاقى قمورك.. ولا على بهاله..

- أخص عليك يا وحش.. جاك قرصة..

وكنت أنظر إلى وجه لطفى وهو يصفى إلى المكالمات..
وكان يشحب بالتدريج حتى أشرف على الإغفاء.. فأسندته
على ذراعى وغادرت الغرفة..

ولفحه الهواء الرطب فأفاق قليلاً.. وبدأ يتحامل على نفسه وسرنا معاً في خطأ متناقلة إلى العنبر وملت عليه قائلاً:
- الظاهر أن الإخلاص منتشر أوى اليومين دول..
ولم يجب..

ومرت دقائق.. ونحن نسير كأننا نسير في جنازة.. ثم قلت أداعبه:

- معلش يا طوفة.. كل حلم وأنت طيب.. بكرة تعيش ويركبوك تاني.. ما تستعجلش على رزقك يا أخى..

وظل صامتاً.. ثم قال فجأة بصوت حزين:
- بحبها يا عوف..

- انت بتحب عذابك.. بتحب مرضك.. وحرمانك..
عاوز تلم الناس حواليك عشان يقولوا يا عيني على شبابه..
يا عيني على جماله.. مسكين يا روحى عليه.. شوفوا المرض ما بيرحموش.. مفيش حد قلبه عليه.. حتى اللي بيحبها خاتنه.. عاوز تحس إنك ضحية.. إنت علاجك مش حقن فى العضل.. أنت علاجك حقن فى المخ..

- وألاقى فين حقن المخ بس..

- تلاقيها عندك إنت بس..

- مش معقول.. الحقن دى عندها هى يا عوف.. فى

أيديها هى.. سعادتي كلها فى أيديها..

وسكت قليلاً وحلق أمامه كأنه لا يراى.. ثم أخفى رأسه بين راحتيه، وأخذ يبكي وينشج كالطفل.. وهو يغمغم بصوت مختنق: بحبها..

وصرخت أنا فى حنق:

- أنت راجل حمار.. إنت غاوى تياترو.. إنت ما ينفعش فيك إلا العافية..

وكنا قد بلغنا البوابة الكبيرة.. وكان على دكة البواب دورق كبير به ماء فأمسكت به وقلبتة على رأسه.. فابتلت خصلات شعره الأسود وأخذ الماء يسح من وجهه.. ويختلط بالعرق والدموع..

ونظر إلى كطفل صغير غضبان..

قلت أذكرها بكاملة الليلة السابقة:

- التليفونات ما تيقاش دلوقت يا ست.. التليفونات
تبقى بالليل.. الساعة اتناشر تتكلمى على كيفك.. تكلمى
عدوله.. ومجوده..

- إيه الكلام الفارغ ده..

وإذا ما جاش عدوله تقولى له.. جاك قرصة.. يا دوله..
وفهمت ما أقصده فجأة.. واصفر وجهها واحمر من
الخوف والحجل والغيط فى وقت واحد.. بينا تشاغلنا أنا
بالصحيفة التى أقرأها.. وكأنه لم يحدث شىء ذو بال..
وسمعت وقع أقدامها وهى تبتعد عائدة إلى الأجزاء..

وناديت على رفيق حجرى الصغير:

- وله.. وله يا سمسم..

فخرج كالجرذ من تحت السرير:

- إيه فيه إيه..

- أنت مخفى تحت السرير ليه؟

- قاعد فى الدفا..

- دفا إيه يا واد.. ده الدنيا نار..

- إنت اللى مغلها نار يا عوف..

- إزاي!!

كان صباحاً جديداً منعشاً.. وقد خفت حدة الحر.. وبدت
زرقة السماء صافية ندية..

وجلس فى غرفتى اتشاغل بقراءة صحيفة.. وعيناي
تختلسان النظر إلى نرجس الواقعة فى الباب وقد التوت
سحتتها وفاضت حقداً..

وكنت على يقين أنها تفكر فى قتلى.. ولهذا بادرت بإثارتها.

- يا ست..

- إيه.. عاوز إيه..

- عاوز راحتك..

- أبعد عني وأنا أرتاح..

- لكن أنا ما أطيقش البعد يا ست..

- ما تطيقش.. جاك طاقة فى مخك يا بعيد.. لم لسانك..

وخش على سريرك..

- مانا يا ستى على سريرى أهوه.. حا أعمل إيه

كمان.. أخش فى المرتبة..

- إن ما سكتش يا عوف حاضرب تليفون دلوقت

للدكتور ييجى يأدبك..

- عارف إنك بتحبيها.. ومش طایل.. وعشان كده
بتزعلها دائماً..

واحمر وجهه وسكت فجأة كأنما تكلم أكثر مما يجب على
حين ظلمت أنا أحملق فيه بدهشة ثم انفجرت ضاحكاً:
- بحب ايه يا واد.. مين اللى قال لك الكلام الفارغ
ده.. مين اللى دخل الكلام ده فى دماغك..

- أنا شايف بعينه..
- شايف إني باحبها؟..
- أيوه..

- وعاوز تضربنى علشان بحبها.. وتاخدها منى وتهرب
بيها فى الصحرا زى بدر لاما.. مش كده.. وتنصبوا خيمة..
وتجيبوا ميه من البير وتشربوا.. وتحلبوا الناقة وتعيشوا زى
حسن ونعيمة.. أما رواية جميلة صحيح.. دنت روميو كبير
ولا نيش عارف يا سمسم.. مش تقوللى كده يا أخى عشان
أبارك لك..

وكان الطفل ساهياً وأنا أروى هذه القصة.. كان يتخيل
فعلاً أنه أصبح بدر لاما.. وأنه يجرى فى الصحراء على ناقة..
ونرجس فى أحضانها.. والواحة الخضراء تبتسم لها من بعيد..
وظل على أحلامه حتى أيقظته بهزة عنيفة من كتفه قائلاً:
- إلا قوللى يا سمسم.. إنت اطاھرت والا لسه..

- مزعل أختى ليه..

- أختك دى مين يا واد.

- أختى نرجس..

- الله.. هى بقت أختك خلاص..

وفجأة رأيته يسكنى من خناقى:

- اسمع أنا بقولك.. إنت ما تزعلش أختى دى أبداً..

وكان الشرر يتطاير من وجهه الصبباني..

فقلت ضاحكاً:

- حاضر.. سمعاً وطاعة.. يا والدى.. أنا غلطان..

سامحنى التوبة دى..

وترك جلبابى ولكنه ظل ينظر إلى بحدة..

وقلت له عاتباً:

- كده تزعل أبوك اللى بيجيبك الكراملة..

والتوت سحتته وهو ينظر إلى:

- وانت تزعل أختى ليه..

- وانت إيش دخلك فى الحاجات دى..

- أنا عارف كل حاجة.. أنا مش صغير..

- عارف إيه..

واحمر وجهه من الغضب ثم هجم على وخشنى بأظافره
مثل قطرة هائجة.. ثم هرب..

ووضعت يدي على وجهي أتحمس قطرات الدم التي
تسير من الخدوش الطويلة الحادة..

«حى.. موجود.. موجود.. وحد ربنا يا ضلالى وحد
ربنا»

ضرب الشيخ حامد بنبوته على النافذة.. ثم دخل يتعثر
في جلبابه الطويل.. وجلس على السرير.. ووضع نبوته على
حجره وهو يرمقني بازدياء:

- أنا مش حاشرب عندك حاجة يا ضلالى.. ولا كباية
ميه.. لأن كل حاجتك نجسة..

- اعقل بقه يا راجل يا شمام.. وبطل اللوش إلى في
دماغك ده.

- أنا راجل شمام.. أنا..

- أمال أنت إيه.. راجل سارح بريالته وسابق هبله على
الخلق يبقى إيه؟

- ماتخوش في سيرقى يا عوف لحسن ربنا يسخطك..

- يسخطنى إيه بس.. ما أنا انسخطت خلاص واتحکم
عليه بعشرة اهلل إلى زيك.. هوه فيه بعد كده سخطه..

- ارجع لربنا..

- لا إله إلا الله..

- توب.. توب إلى الله.. أنفض إيديك م الدنيا.. دى
دنيا فانية.. لقمته فانية.. وهدمتها فانية.. و..

- لكن يا شيخ حامد أنا بلا حظ أنك بتتخانى كل يوم
على اللحمة..

- يا حى يا قيوم.. اغفر لعبيدك الضالين.. اغفر لهم
بقه.. عشان خاطرى.. شيل الحجاب من على عينهم..
وضرب بنبوته على الأرض:

وأخذته الجلالة فانتفض وأخذ يدور حول نفسه كمغزل
صوف وهو يصيح:

شيله بقولك شيله

شيله بقولك شيله

ثم هدأ وجلس يمسح عرقه.. وأخرج من جلبابه كتاباً في
التسايبح وأخذ يقرأ فيه بصوت جهورى:

- يا غنى يا قوى.. يا قهار يا جبار يا ماجد يا أحد
يا صمد.. اللهم يا نور النور.. استحلفك بالورق المسطور
والرق المنشور أن تجعل في قلبى نوراً وفى سمعى نوراً وفى
بصرى نوراً وعن يمينى نوراً وعن شمالى نوراً وعن..
- على الله يا عم.. على الله.. يحنن.

فوقف مشدوها لحظة وهو يحملق في وجهي ثم احتضن
نبوته ومضى إلى الباب وهو يستعيز:

- اللهم إني أعوذ بك من ليلة السوء ومن ساعة السوء
ومن صاحب السوء ومن جار السوء ومن كلمة السوء.. ومن
محضر السوء..

وخرج..

وتقدت على سريري أفكر.. وأشعلت سيجارة.. وفي
قلبي ابتسامة عريضة.. وظللت أدخن مدة طويلة جاوزت
ساعة لم أحس فيها بالزمن.. ثم أفقت على منظر لطيف وهو
يقف في النافذة وقد بسط أمامه لوحة وراح يرسم عليها
بالألوان.

وتسللت إليه في هدوء.. ثم وقفت إلى جواره أهمس:

- قوللي بقه يا طوفه.. إيه آخر أخبار الغرام..

- بقاها يومين بتلف حواليه.. وتصالح فيه..

- سيدى.. يا سيدى.. وأنت طبعاً شادد في العريض

وسابق دلالك..

- لا أبداً.. أنا زعلان فعلاً.. زعلان لأنها كدابة بتكدب

عليه..

- وعاوزها ما تكذبش عليك.. أما عبيط صحيح.. عاوز

بنت صغيرة ما تكذبش..؟ ليه.. هي تاكسى.. عاوز تركب

على بقها عداد.. يا بنى كلهم هنا كدابين.. وأنت كمان
كداب زهم..

- ليه..

لأنك لما جيت المستشفى.. قلت لكل أصحابك إنك
مسافر البلد.. كدبت عليهم عشان ما يعرفوش أنك راقد في
مستشفى للسبل وأنت عيان بالسبل.

- أنا معذور يا عوف.. لأن المرض ده وحش..
وما حدش بيطبق سيرته..

- وهى كمان معذورة.. لأن سيرتها بطالة ومحدش بيطبق
يسمعيها.. وكل واحد في الدنيا معذور..

- ولما كلنا بطالين.. ما تسبنى أحبها يا أخى.. وآدى
احنا بطالين زى بعض..

وسكت لطفى عند هذا الحد.. ثم عاد إلى الرسم..
وغمس فرشاته في اللون الأسود وبدأ يوزع الظلال..
وكنت اتتبع أصابعه المرتجفة الضعيفة وهى تمشى على
اللوحة..

وأفاق لحظة ونظر إلى نظرة صبيانية خبيثة ثم أخرج من
جيبه مظروفاً:

- تعرف ده إيه؟

- إيه؟..

- جواب من نرجس..

وسكت لحظة ثم أردف كالطفل:

- مش حاورهولك..

- بلاش.. ونا كمان مش عايز أشوفه..

ولكنه كان يتحرق شوقاً.. إلى عرضه على.. وقال بعد دقائق:

- طيب أديهولك تقراه.. ولا تقولش لحد..

- أنا مش عايز اقراه..

- بلاش سخافة.. خد أهو اقراه عشان تتعلم ازاي

كتابة الجوابات..

وأخذت منه الجواب.. وبسطته أمامي.. وأخذت أقرؤه بصوت تمثيلي متهدج:

حبيبي طوفه..

أبعث إليك بسلام أعطر من الورد والريحان.. وبتحية أرق من سلسيل الماء..

مرت أيام وأنا لا أنام.. من خصامك وغرامك..

إن قلبي الذي لم يعرف سواك.. لا يستطيع أن ينسى هواك.. ولا يستطيع أن يخونك..

أنت روحى.. وأنا لا أستطيع أن أخون روحى..

لقد غابت عني ابتسامتك فغابت عني الشمس وأصبحت أعيش في الظلام يا حبيبي..

إني أبكى كلما سمعت أم كلثوم تغنى يا ظالمى.. فأنت ظالمى وهاجرنى وقلبي من هواك مجروح..

احترت.. واحتار دليلي معاك..

أشكى لمن ظلمك ليه.. يا سارق من عيني النوم..

حأعيش على ذكراك.. وأموت ضحية هواك..

طوفه يا حبيبي

ليه خلتنى أحبك.

لقد كنت أعيش سعيدة خالية البال.. مثل الأطفال..

فعلمتنى الحب والهوى والجمال.. ثم تركتنى وحدى غارقة في دموعى وأشجائى.. ونسيتنى.. وأنا ما زلت أهتف باسمك

وأحلم برسمك.. طوفه.. ارحمنى.. ولا تطل في تعذيبك.. وكفاية خصام..

المخلصة إلى الأبد

نرجس

وطويت الخطاب ونظرت إليه بابتسامة عريضة:

- مؤثر يا وله أوى الجواب ده.

- البنت في الحقيقة غلبانة وكاتباه بتأثر عميق.

- أيوه كاتباه بتأثر عميق.. وطابعه منه عشر نسخ..
مش كده.

- إيه ١٢..

- طابعه منه عشر نسخ يا خبيان.. دى رابع نسخة
أقرأها الشهر ده.

- يعنى إيه ١٢!

- يعنى العشاق كثير ومفיש وقت تألف لكل واحد
جواب.

- إنت كداب.

- حاضر.. أنا كداب.. سكت.. وقفلت بقى.

- إنت معندكش إنسانية.

- ومعنديش إنسانية.

- عوف..

- أيوه.

- إنت مالكش دعوة بنرجس.. مالكش دعوة بيه..
ولا تتكلمش عنها أبداً.

- حاضر.. ماليش دعوة بيه.. والنوبة الجاية لما تيجى
تسقينى جواباتها زى الشربة.. حاغمض عينى وأسد ودانى.

- إنت أصلك سيئ الظن بالناس.. ويتشوفهم كلهم
بطلالين.. لكن نرجس بنت طيبة.

- تمام.. طيبة وأصيلة وشريفة.. ومن نسل النبى.

وكان الغيظ قد فاض به حينما بلغت هذا الحد من
الكلام.. وكان شارباه يتراقصان كشاربى الأرنب البرى..
فأشعلت له سيجارة وتركته ليستعيد هدوءه.. ودخلت إلى
الغدير.. وأنا أفكر.

ولأول مرة بدأت أشك فى قيمة نصائحي.

إن الشطارة ليست كالثياب تلبس من الخارج.

ولطفى لن يتحول بنصائحي إلى رجل شاطر.

إنه فى حاجة إلى الخطأ.

وجلست على فراشى.. أدخن.. وانظر إلى ورقة النبض
والحرارة.. وكان الليل قد بدأ يزحف.. والمصباح الصغير
لا يكاد يضيء الغرفة الكالحة.

وذهبت أبحث عن السبرتاية وعن كنكة الشاى..
وأشعلت الشريط.. وملأت الكنكة بالماء.. ولكن اللهب
ما لبث أن خبا وانطفأ.. وقلبت السبرتاية.. لم يكن بها نقطة
سبرتو.. وكذلك الزجاجاة: كانت فارغة.

وكانت هذه هى المرة الثالثة التى تفرغ فيها الزجاجاة

بعد ساعات من ملئها.

كان هناك حرامى سبرتو فى العنبر.

ودخل عم زكى.. المريض المحول من الليمان.. وخلفه
العسكرى.. وكان يرقص.. ويغنى.. وعيناه وارمتان حراوان
كقدحين من دم.

ونظرت إليه فى ارتياب:

- عم زكى..

وظل يرقص. دون أن يلتفت إلى:

- أيوه يا بلدينا.

- بطل رقص وكلمنى.

- أيوه يا بلدينا.

- أمور اللومنجية دى مش عليه.

- لومانجية إيه يا بلدينا؟

وعاد إلى الرقص.

وأمسكت به من كتفه فى غيظ:

- بص هنا.. قوللى السبرتو وديته فين؟

- سبرتو إيه يا بلدينا!

- إنت عارف سبرتو إيه.

- أنا مش عارف حاجة.

وعاد إلى الرقص.. ثم تهاوى على الفراش فجأة..
يلهث.. وبصق بصقة نصفها دم.. ثم بدأ ينزف من فمه..
بغزارة.. وأغمى عليه..

وأسرعت استدعى الممرضة والطبيب.. وأضع على رأسه
كمادات من الماء البارد.

ومضت دقائق ثقيلة.. ثم أحسست به يتقلب.. ويفتح
نصف عين.. وينظر إلى هامساً:

- بلدينا..

- أيوه يا عم زكى.

- أنا اللي شربت السبرتو.

- إزاي.. إنت مجنون.

- عاوز أنا.. بقى لى سنة مش عارف أنا.

وعاد إلى السعال والتهجان.. وسكت فترة طويلة.. ثم
أردف:

- إنت تعرف الأفيون؟

- لا.

- أنا عشت طول عمرى أشربه وأكله وأتاجر فيه..

كانوا يسمونى أبو النوم.

ونظر إلى السقف المنخفض وسرح.. ثم عاد يتحدث:
- ودلوقت بقيت لومانجى.. عندى سل فى صدرى..
وعسكرى.. على الباب.. راح النوم من عين أبو النوم..
مفیش أفیون یا بلدینا.. مفیش إلا الإزاة أم ثلاثة
صاغ.. أملاً بيها بطنى زى السبرتاية.. وأرقد زى القتيل..
أصلی راجل ابن حظ.

تشرب لك كاس يا بلدینا.

وأغمض عينيه متعباً.

ودخلت نرجس.. وكشفت عن ذراعه الناحل.. وغرست
فيه إبرة المورفين. وبدأ ينام..

وأشعلت سيجارة.

ومن خلف النافذة سمعت صوت لطفى الهامس..
وصوت نرجس المتهدج وهى تجاوبه.. ثم رأيت شبحهيا
يتلاصقان وهما يتبعدان فى الصحراء:

- طوفه.. بتحبنى؟

كان صوتها يصل إلى من بعيد.. ولم أسمع بماذا أجاب..
طوفه.. ولعله كان ينكس رأسه فى خجل العذارى.

ولم أعد أسمع سوى أنفاس اللومانجى.. وهى تتردد
مبحوحة كفحيح الأفعى.

وكان العسكرى ما يزال يقف على الباب.

وأغمضت عينى أفكر.. وسرحت طويلاً.

كنت أشتري زجاجة السبرتو كل يوم فيشرها
اللومانجى.. سل.. وسجن.. وأفیون.. وسبرتو أحمر.. فاضل
إيه!

وفتح الرجل عينيه وضغط على يدي:

- ازيك يا بلدینا.

- يا عم زكى نام.. احنا ما صدقنا إن الدم قطع.

- أناام إيه يا بلدینا.. أناام على المورفين.. هو الأفیونجى

ينام على المورفين عمره!

- مش كنت نايم دلوقت؟

- كنت مسلطن يا بلدینا.. مسلطن.

- طيب مسلطن لك شوية كمان.

- اسمع.. قوللى.. مش ممكن البت تدينى حقنة كمان؟

- حقنة كمان ازاي.. إنت مجنون.. دنت واخدها عشان

النزيف.

- إن كان على النزيف ممكن أجيبه تانى.. شوية هز

ودك.. الجروح تنفتح.. وأملاً مبصقة كمان.

وبدا يهز صدره.. ليجلب الدم من جديد.. فأمسكت به..
وقيدته بالفراش:

- إيه إنت مجنون يا عم زكى.. عاوز تموت نفسك
عشان حقنة مورفين..

- يا سيدى أنا حر.. أموت نفسى.. أشق نفسى.. أنا
حر فى جتنى يا بلدينا.. هم حاطينك مخبر على.. تكونش
عسكرى تانى.. لابس مدنى.. يا ناس سيئونى يا ناس..
يا ناس دنا ابن حلال.. دنا..

وبدا يبكى.. ويتشنج كالطفل.

- إيه بس يا عم زكى أمور العيال دى.. دنا صاحبك
وحبيبك يا خويا.

- حبيبى.. بتقول حبيبى يا بلدينا.. ده مفيش حد
بيحبنى أبدا.. ده عمر ما حد حبى فى الدنيا.. دول كانوا
دائماً يقولوا عنى مجرم.. وحيوان.

- أبداً دول هم اللى حيوانات.. دنت راجل أمير.. وابن
حلال.. وكلك إنسانية.

- أmaal بابيع أفيون ليه.. بابيع السم للناس ليه.. لما كل
إنسانية.

- ظروفاك جت كده.. يعنى هو انت يتبيعه بس..

ما انت بتشربه كمان.. وبتشرب عليه سبرتو أحمر.. واخل
وقطران.

- أيوه تمام.. خل وقطران..

وسكت لحظة ونظر فى عينى فى تردد:

- يعنى مش زعلان منى عشان سرقت السبرتو.

- يعنى سرقت العزبة يا سيدى.. دنت عملت زى

الحرامى الغلبان اللى سرق الكفن وشنق نفسه بيه.

- أيوه تمام سرقت الكفن وشنقت نفسى بيه.. طب

ما انت راجل ابن حلال أهوه.

وعاد ينظر فى عينى ويهمس بصوت منخفض:

- تكونش بتشرب أفيون زى.

- لا أبداً.. ما أعرفوش وحياتك.

- أmaal يعنى بتدافع عنى أوى كده ليه.

- عشان بحبك.

- بتحبنى.. كويسه دى.. وآدى واحد على آخر الزمن..

بيحبك يا عم زكى.

ومسح العرق عن جبينه.

وضرب يده فى شق جلبابه وأخرج علبة من الصفيح.

فتحتها بأنامله المرتعشة.. وناولها لى.

- لف لى سبجارة لف.

وتناولت اللعبة.. وبدأت ألف السبجارة.. ثم أشعلتها..
ووضعتها بين شفتيه.

ومضى يذخن فى شراة.. ثم أردف بعد فترة طويلة من
الصمت:

- من ثلاثين سنة يا بلدنيا كنت عيل صغير.. سنى عشر
سنين يدوبك وكنت أكبر أخواتى.. وكانت أمى تسبب لى
العيال كل يوم.. وتقول لى خد بالك منهم يا زكى.. كان
أهلئ يحبونى.. وكنت أحبهم.. وكانوا يدلعونى.. ويقولولى
يا زكوكة.. روح يا زكوكة.. تعالى يا زكوكة.. خد
يا زكوكة.. هات يا زكوكة.. وبعدين.

وضحك فى شراسة وهو ينظر من خلال الجدار.

- وبعدين بقيت مجرم.. عشان بصيت من خرم الباب.
وعاد يضحك.. وقد غطى عينيه.

- ما كنتش أعرف إيه ورا أخرام الأبواب.. كنت
صغير.

وأغرق فى الصمت من جديد.

ومرت لحظات.. ثم عاد يتكلم فى صعوبة:

- كان بيجينا أيامها ضيوف كتير.. وكان فيهم واحد

لما بيجى.. أمى تنبه على أنى ماجيش سيرة لأبوياء.. وكانت
ناخده.. وتقعده معاه مدة طويلة فى الأودة. وتقفل الباب.

وفى مرة حظيت الكرسي وطلعت عليه.. وبصيت من
خرم الباب.. وشفت أمى من غير هدوم.

وغطى عينيه.. ومرت لحظة رهيبة:

- أمى.. عارف يعنى إيه أمى..

وسكت.

وأمعن فى السكوت.. ثم عاد يتكلم فى صعوبة:

- وبعد كده عملت كل حاجة.. طفشت من البيت..
وسبت البلد.. ودخلت أصلاحية.. وملجأ.. وسجن.. وشربت
الأفيون.. وتاجرت فيه.. وبقيت مجرم.. وحيوان..

ونظر إلى.. وضافت عيناه.. حتى أصبحنا كثنبيين.. وبدأت
عليه الشراسة.

- مالك.. ساكت ليه.. ما تتكلم يا بلدنيا.

كان يجز على أسنانه من الندم ويود لو قطع لسانه الذى
تكلم أكثر مما قدر له أن يتكلم.

وبدأت يده تنقبض وتنبسط فى تشنج.. وأخذ يرمقنى فى
كراهية.

وحول وجهه إلى الحائط.

وانحنيت أمسح على جبينه.. وأهمس في رقة:

- دى حاجات بتحصل فى كل الدنيا يا عم زكى.

- أيوه بتحصل لكن بعيد عن العيون.

- حظك جه كده.

- وليه ييجى كده يا بلدنيا.

- وليه يكون فيه سل.. وليه يكون فيه موت.. وليه أى

حاجة بتحصل فى الدنيا.. وليه ما تريحش نفسك من ليه..

وتعيش زى الناس الى بيعيشوا.

- الناس ماشافوش الى شفته.

- الناس ما يبصوش من خرم الباب.

- أيوه.

وسكت.. كمن تلقى ضربة على رأسه.

- وبعدين.

- وبعدين تشيل عينك من خرم الباب.. وتبص للدنيا

حوالك من تانى زى خلق الله.

- أبص من تانى.. ما خلاص يا بلدنيا.. الدنيا بتاعى

انتهت.. ما فضلش فيها غير عسكرى وكلبش وغرة نحاس.

- أبداً ما تنتهش.. لسه قدامك عمر طويل.. وحانف..

وحايجلك إفراج.. وحانطلع.. وحانعيش من جديد.

- وحاكبر.. وحابقى شاطر.. وحانجيبلى لعبة.

وابتسم وضحك فى مرارة.

- أنا بقيت راجل عجوز يا بلدنيا.. وعضىمى نشف من

القلب دور على نفسك انت.

- ما احنا فى الهوا سوا.. ما احنا اخوات يا عمى.

- اخوات.. حلوه دى.. كلامك حلو يا بلدنيا.

ونظر إلى فى وداعة:

- بتقول احنا اخوات.. حلوه دى يا بلدنيا.. كلمة زى

الأفيون تمام.. ننام عليها بقى.

ولف نفسه فى الغطاء.. وأغمض عينيه كالطفل. وتراخت

أهدابه.

ومرت دقائق من الصمت.. وأحسست أنه بدأ ينام..

فخرجت أتمشى فى الممر.. ثم دخلت غرفتى وألقيت بجسدى

المتعب على الفراش.. وتحت نافذتى سمعت لطفى يصفر

بفمه لحناً رقيقاً.. وشمنت دخان سيجارته.

وأغمضت عيني.. وبدأت اليقظة تترجف فى رأسى بالحلم..

وعبر خيالى شبحان نحيلان.

كنت أعرفها جيدًا.

كان أحدهما يعذبه حبه.. والآخر تعذبه كراهيته. وكنت
أحس أني شبح ثالث.. لا أعرف عنه شيئًا. وبدأ كل شيء
يذوب في ضباب النوم.

- قوم اصحى.. قوم.. انت يا سيدنا.. فتح عينك.. قوم.
كان هناك أكثر من صوت واحد يتكلم في أذني.. وكانت
دوامة النوم تجذبني كلما حاولت رفع رأسي فأغيب في هوة
الآحلام من جديد.. وتختلط الأصوات في سمعي بشيء مثل
قرع الطبول.

- قوم اصحى.. يا جدع.
وفتحت أجفاني في ببطء كأنها بوابة صدئة طال إغلاقها..
وكان أمامي أكثر من ثلاثين مريضًا.. كلهم أفواه
مفتوحة.. وأيد تلوح في الهواء.

- قوم.. قوم اصحى.
وطار النوم من عيني فجأة.. ووجدت نفسي أقفز في دعر
واعتدل في فراشي وأنا أهتف:

- إيه.. إيه فيه إيه..
- فيه اضراب.
وبدأت أمسح جبيني وأحاول أن أفهم.
- إضراب إيه.

- إضراب عن الأكل.

وعدت أُمسح على جبهتي.. وأنا أتمتم في بطني:

- لكن دنا كلت.. إضراب ازاي.

وبرز مريض من زعاء المجموعة ليجاوبني بعنف:

- بقی اسمعْ يا عوف.. بقی انت ما تخرجشى على

الإجماع.. إحنا قررنا الإضراب.. يعنى الكل يضرب.. يعنى
الكل ما ياكلش.

- لكن دنا كلت يا جماعة.

- لا.. إنت ما كلتش.. إنت مضرب عن الأكل...

ورميت غداك في الزبالة.. فاهم.

- حاضر.. أنا ما كلتش.. ومضرب عن الأكل.. ورميت

غدايا في الزبالة.. فيه حاجة ثانية.. تسمحوا لى أنام بقی.

- تمام ازاي.. إنت لازم تقف معانا للنهاية.. الدكتور

جاي.. ولازم..

وظهر الدكتور في نهاية الممر.. تتدلى من فمه لفافة تبغ.

وانفجر المرضى كلهم يتكلمون في وقت واحد:

- شايف الأكل يا بيه.. شايف الرز اللى نصه حصى..

والشورية اللى زى مرقة القلقاس.. والعضم.

وخرج رجل عجوز من الصف في يده أروانة عدس

وضعها تحت أنف الطبيب:

- والعُدس وحياتك يا بيه.. جايين فيه جرادة.. بص

سعادتك.. جرادة.. جرادة بحالها.

- إزاي؟

- أهه وحياتك يا سعادة البيه.

- والقرع.

ووقف الطبيب يمصص شفثيه اشمزأا.

- والعيش.

- والبيض.

وكسر المتكلم بيضة في طبق.

- وده أكل العيائين الغلابا.. اللى ما هومش غير ربنا.

وكان من الواضح أن الطبيب في لحمة وأنه يواجه حملة لم

يتأهب لها.

ووقف يفرك يديه في ضيق ويبحث عن حل.

- لكن ده مش معناه إضراب.. مش معناه إضراب

أبدأ.. انتو تاكلو.. وتكتبوا شكوى.. واحنا نحقق ونجازي

الطباخين.. لكن كده ما ينفعش.. ما ينفعش.. ثم أنا كمان

ما أقدرش أرد على خمسين بيتكلموا في بق واحد.. ثم ده

مش نظام.. ثم..

- يا بيه يرضيك إن احنا نموت من الجوع.. شوف

دفترى.. بقالى سنة بتعالج.. نقصت فى الوزن.. وكله من الأكل.

ونظر الطبيب إلى صاحب الدفتر فى حدة وهرش رأسه. محاولاً أن يتذكره:

- أيوه أنا افكرتك.. مش أنت فتحي.. مش انت اللي حققنا معاك عشان بتسكر.. وبتلعب قمار فى العنبر.. مش انت اللي طلغوك من البير سكران الشهر الى فات.. تصوروا يا إخواننا مريض.. يشرب.. ويلعب قمار.. يلعب بحياته وصحته.. حتى أقراص الفيتامين إلى بنكتبها له بيلعب بيها قمار.. كان ناقص يحط معدته فى طبق ويلعب عليها.

وتحس الطبيب وقد وجد حلاً يخرج به من الأزمة.
- وبعد كده يشتكى من نقص الوزن.. ويقول الأكل.. أكل إيه..؟.. مش عاجبك الأكل طبعاً.. عاوز مزة.. مش كده.. مش كده يا سى فتحي.. عاوز مزة.
وتلفت الطبيب حوله فى وجوه المرضى:

- ويصح برضوا تمشوا ورا واحد زى ده وتطاوعوه.. وتضربوا.. ده برضه هو النظام.. أنا عارف إن العنبر ده مشاغب.

- المسألة مش مسألة عنبر مشاغب.. المستشفى كله

بيشتكى.. والأكل وحش.

- احنا بنصلح الأكل باستمرار.. وبنجهد آخر جهدنا.. لكن انتو لازم تمشوا على النظام.. فاهمين.. النظام من فضلكو.. كل واحد يروح على سريريه وياكل.. وأنا حاعمل تحقيق فوراً فى شكاويكم.. وانت يا سى فتحي خد دفترك وروح على سريرك.. ومش عاوز مشاغبة.

ونظر إليه نظرة حادة ثم مضى مسرعاً إلى بيت الأطباء. وهو يخطف خطواته.. كأنه يخشى أن تنبت مشكلة أخرى تلحق به فى الطريق.

وكان العنبر يغلى من الغيظ.. والكل ينظر إلى فتحي على أنه سبب فشل الإضراب.

- يعنى يا سى فتحي كان لازم تشتكى من الوزن فى الساعة النحس دى.

- يعنى كان لازم تعمل زعيم وتحبب لنا الشبهة.

- ما كنت تروح تشرب خل وتسيننا فى حالنا يا أخی.

وكان مريض آخر يميل على الرجل العجوز صاحب أروانة العدس هامساً:

- إدينى الجراة بقى خلينى أمشى.

- ما تمشى يا بنى وأنا حايشك.

- إيدنى جرادقى مش أنا الى صايدھا.

ووقفت أیتسم وأنا أرقب المعركة تنفض والحماس یبرد.
والمظاهرة تنحل إلى أفراد.. كل واحد مکوم على فراشه..
یُجذب الملاءة فی عصبية أو یدخن أو یهز ساقیه. والصحرَاء
تمتد أمام الجميع كبساط ساخن تلسعه کرابیج الشمس..
ومن خلف الکثبان الرملية البعيدة.. لا یدو شیء.. سوى
سواء باهتة مصفرة.. لا أثر لآدمى.. أو حیوان.. أو شجرة.

كان كل شیء یدو ممکنًا فی هذا الخلاء الموحش. أن یمتنع
المريض عن الأكل.. أو يأكل مخدرات.. أو یصلی..
أو یعشق.. أو یفقد عقله.. أو یتحول إلى فیلسوف.
كان كل شیء یدو ممکنًا.

وجلست على الدكة واجمًا. وقد وضعت ساقًا على ساق..
وعلى بعد خطوات منى كان عمود التلغراف یزن كأن به
عش نحل.. وكان صاحبنا المريض یتسلل من العنبر حاملا
الجرادة من جناحیھا.

وحینا عدت بعد ساعات إلى سریری كان هناك صوت
ثالث.. غیر صوتی وصوت الرادیو.. صوت یُشخص فی
الركن.

واكتشفت أن المريض الجدید الذى دخل محمولا على

محفة منذ قليل.. یتنفس.. وأنه یحدث هذه الخشخشة برئتیھ
المالکتین كزوج من الغرابیل.

ولم أكن أعلم عنه شیئًا سوى اسمه. فاقتربت على
أطراف قدمی وملت علیه هامسًا:

- جرجاوى.. مالک.. عاوز حاجة.

فلم یلتفت.. ولم یتحرك من مكانه وإنما حرك عینیھ فی
محجریھما.. ونظر إلى برهة.. ونطق كلمة واحدة:
- أشرب.

وكانت نظرته الیائسة تدل على أنه رجل تعود أن ترفض
كل طلباته.

وذهبت إلى النافذة وعدت بكوب فی یدى ملآن لآخره
بالماء.. وأسندته على ذراعی وسقیته.. وحينما أراح رأسه على
الوسادة مرة أخرى كان یتصبب عرقًا.. وكانت الوسادة
مبللة فی رقعة واسعة بحجم رأسه.

وتشجع قليلًا.. وحرك عینیھ فی محجریھما حتى واجهانی
بنظرة ثابتة یدو فیھا طلب آخر.

- عايز حاجة کمان یا جرجاوى.

وظل ینظر فی وجهی ثم قال:

- عايز شوية هوا..

فقلقت سريره حتى أصبح تحت النافذة.

وكانت هذه الكلمات القليلة كافية لتوثيق التعارف بيننا
فابتسم، وبانت في فمه الواسع أسنان مكسوة بطرابيش من
المعدن:

- أنا من جرجا.

- ولاد عم والله.. وأنا من المنيا.

وأخذنا نتبادل التحيات والمراحب مدة.. ثم عادت
الحشخشة.. وقال وهو يشير إلى صدره:

- أصل أنا واخذ شوية برد..

- معلنش كلنا على دى الحال..

- الحكيم قال دول شوية برد.. تمام لهم جمعه ويروحوا،
حاكم أنا عمرى ما رقدت، ولا شفت العيا.

وابتسم ابتسامة باهتة وأردف:

- أنا زمان ونا صغير جيت من جرجا لمصر ماشى.
وسكت لحظة ثم أخرج إصبعه من النافذة مشيراً إلى

الهواء:

- شايف مصر دى كلها.. أنا الى بنيتها بدراعى.. كل

عمارة رصيت فيها طوبة.. وملت شكارة جبس ودكيت تحت
أرض.. وسويت جدار.

ولوح بذراعه الخشنة فى الهواء:

- الصعايدة ياعم هم الى بنوا ده كله.

وكان يبدو أنه سعيد لأنه بنا ده كله.

وتصيب العرق على جبينه.. وفتح فمه ليتكلم.. ولكنه
سكت ولم يقل شيئاً.

- عاوز حاجه يا جرجاوى.

ولم يجب.. وظل يبحث عن الشيء الذى يريده.. ثم
تحرك عيناه فى محجريها.. ونظر إلى قائلا فى بساطة:

- عاوز أشرب.

وناولته القلة.

وظل يكرع.. والماء يطفح على جلده فى سيول من
العرق كأنه إناء مثقوب.

ثم أراح ظهره على الوسادة.

وجذب نفساً طويلاً لم يسعف رثته الجائعتين للهواء
فمضى يلهث.. وأشار إلى النافذة محاولاً أن ينطق من خلال
اللهاث.

- عاوز.. عا.. وز

- أيوه يا جرجاوى يا خويا.

- عا.. وز.. شوية.. هوا..

وكان سريره بجوار النافذة.. وكانت الستائر مفتوحة.
وكان الهواء يرح في الغرفة.. ولم يكن هناك سبيل إلى
فتح نافذة أخرى في الجدار.
- عا.. وز.. شوية.. هوا..

وظل يتهته.

ثم بدأ وجهه يزرق.

وخرجت من فمه شهقة طويلة مسموعة غاب بعدها عن
الحياة.

ونظرت إلى عينيه.. اللتين كانتا تستجدان من لحظة..
فلم أجد فيها شيئاً.

مات الجرجاوى الذى بنى مصر.. كانت أبعد آماله أن
يشرب.. ويتنفس.

وجذبت على جسده الملاءة.. ووقفت صامتاً ثم انحنيت،
وقبلت جبينه.

وتجمدت في مكانى إلى جوار النافذة.. ومضى وقت
لا أدرى كم دقيقة.. ولا كم ساعة.

ودخل لطفى.. وحلق في الغرفة.. وفي وجهى.. وفي
السريـر المغطى بالملاءة.. ولم يلحظ شيئاً لأنه قال بنعمة
طروب:

- وله يا عوف.. أنا حاتجوز.

وجلس على السريـر إلى جوار الميت وأردف كالطفل:

- أنا حاتجوز.. سامع.. مش تقوللى مبروك يا أخى.. ولم
أجب وظللت أحلق في وجهه.

وعاد يتكلم في عصبية:

- أنا حاتجوز نرجس بكرة.. أنا عارف إنك مش
موافق.. لكن هى بتحبنى.. وأنا بحبها.

وظللت صامتاً.. وصرخ لطفى:

- جاوبنى.. انطق.. قول إنك حمار زى ما بتقول كل
مرة.

وظللت صامتاً.. وسكت لطفى كأنه تلقى لطمة.. ثم
خرج مغضباً.

ومضيت أحلق في الرقعة الصغيرة من الفراش حيث
كان يجلس رجل يرقص من الانفعال.. إلى جوار جثة
ملفوفة في ملاءة من الدمور.

...نه.. وأدى حال الدنيا.. والله يرحمك يا خالى.. لك عندنا
نربة مبنية بالحجر ولها حوش ومندره.. بنيتها بايدك.. واحنا
برضه اللي حانقعد فيها.. ونربع فى مندرتها.

وشعر بالراحة بعد أن فلسف الدنيا بأنها لا شيء
أخص نفسه بفدانين من عرق جبين الميت.. واتشغل
بالعنب من جديد.

وأقبلت العربية ومعها اثنان من الحانوتية وحملت الجثتين
وركبنا خلف السائق.

وكان الرمل يسفع وجوهنا طول الطريق.. والханوتية
الاثنان يدخنان، فى مزاج واستغراق.. وصاحبى يأكل العنب
ويتحدث عن خاله.. وأنا أعتد رأسى بين كفى.

وسكت صاحبى فى منتصف الطريق وبدأ ينام.. وسمعت
الخانوتى السمين يقول لزميله:

- تعرف الميت اللي دفناه امبارح.. مش لقيت فى بقه
تلات سنان ذهب.

- وعملت فيهم إيه؟

- ما أخبش عليك.. خلعتهم.. قلت حرام أسبيه يقابل
ربنا كده وفلوسه فى بقه.. ليروح جهنم.. وتبقى فى وشى.

- خيرك على الحى وعلى الميت يا صالح يا خويا.

ومضى اليوم الخامس على إرسال الإشارة التلغرافية إلى
شيخ الحارة فى جرجا حيث يسكن الجرجاوى.. ولم يصل
أحد لإستلام الجثة.. واعتبرت إدارة المستشفى أن الجثة
بدون أهل وأوصت بدفنها فى مدافن الصدقة.

وجلست أنتظر عربة الموتى وإلى جوارى زائر من شبين
لاستلام أحد أقاربه.. وكان يحمل فى يده صرة بها عنب..
يقزقز منها حبة بحبة.. ويحكى لى قصة خاله:

- بالك خالى ده.. ما كانش حد قده فى البلد.. ماكانش
حد يلا عينه أبدا.. كان راجل طول بعرض قد الحيطه..
يقول للأسد قوم وأنا أقعد مطرحك.. مين كان يصدق إنه
يموت بصدرة!

وسكت وهو يلوك حبة من العنب فى فمه ويفكر:

- بالك فيه حاجة بتفضل فى الدنيا دى؟.. أبدا كله

بيروح غاظل مع باطل.. هو خالى ده ياما زرع.. وياما جمع
وياما اشترى طين.. وياما حوش فلوس.. والآخر إيه فضل
له من ده كله.. مفيش غير الركعتين اللى صلاهم.. والورثة
خدوا الباقي.. أنا يا عبد العال حايوبنى فدانين من عرق

وضحكا.. وتساعد للتبغ الذى يدخنانه رائحة غريبة.
وبدأ الطريق يتلوى والعربة تترنح.. والحانوتيان ينمان
على بعضهما بعضاً من السطل.

‘ وفى نهاية المشوار.. عند مدافن الصدقة كان عم صالح
الحانوتى عند باب العربة ينظر فى الجشتين.. ثم يحمل
إحدهما إلى حفرة عليها لوح من الحجر.. وجذع صبرة
ذابلة.

وجلس على مقهى فى طريق العودة أشرب كوباً من
الشاي.. وعلى فمى ابتسامة واسعة.

لقد أخطأ الحانوتى المسطول وحمل جثة الخال إلى مدافن
الفقراء.. وترك الجرجاوى لتذهب به الصدقة إلى شبين
حيث يدفن فى قبر جديد له حوش ومنذرة.

لقد وجد الجرجاوى أخيراً من يزوره حينما أصبح
تراباً.. بعض الغزاء يا جرجاوى يا غلبان.. لم تجد شربة
الماء فى حياتك.. وسيأكل زوارك الكعك على روحك.. كل
يوم جمعة.

واتسعت الابتسامة فى فمى.. ثم تحولت إلى ضحكة
تعسة.

كنت أشاهد لطفى من النافذة.
كان يذرع الصحراء أمامى وينبش الرمل بقدميه وهو
زائع البصر لا يستقر لحظة واحدة فى مكان.
وكنت أفكر فى أحواله.

لقد تزوج من ثرجس.. ومضى على زواجه شهران
تعيسان وهو شارد مثل فراش قصوا له جناحيه.

لم يكن سعيداً فى حبه.. ولا فى زواجه.
كان يبكى.. وكان يضحك.. وكان يهذى.. وكان يقول:
أحبها.. أعيدها.

ومع ذلك.. كنت أشك على الدوام فى أن ما به هو الحب.
ونظرت إلى الرمال.. بعيداً.. حيث يقف.. وتلاقت
نظراتنا.. وأقبل ناحيتى فى مشية بطيئة ذاهلة.. حتى بلغ باب
الغرفة.. وتوقف ينفض رمد سيجارته..

وكان شارباه يتراقصان فى عصبية.
وتركته يجلس على الفراش ولبث صامتاً.. أراقبه وهو
يدخن.. وينفخ.. وهيز ساقيه.

ومرت دقائق ثقيلة.. ثم قال فجأة:

- أنا تعبان يا عوف.. تعبان.. مش عارف إيه أخره ده كله..

- لازم نمت امبارح من غير غطا.. معلش.. اشرب كفاية حلبة ونام.. وانت تصيح كويس.

- بلاش هزار.. إنت عارف إني باتكلم جد دلوقت..

- وأنا كمان بتكلم جد..

- إنت مش بتحترم آلامى.

- آلامك إيه يا طوفه يا حبيبى.. ده انت أسعد إنسان

فى الدنيا.. حبيت لدرجة الجنون.. واتجوزت الى حبيبته..

وبعد كل السعادة دى واقف على عش حبك تندب زى

الغراب.. وتقول تعبان.. إلحقنى.. مش عارف أنا رايح فين..

مش عارف إيه أخره ده كله..

أعمل لك إيه طيب.. أجوزك واحدة ما بتحبهاش..

والا أعمل لك إيه..

- مش عارف..

- تبقى تشرب حلبة.. كل الناس إلى ما بيعرفوش

حاجة.. يبشربوا حلبة.

- إيه.. هو.. ده.

ويدأ عليه اليأس.. وسكت لحظة.. ثم أردف فى حزن:

- نرجس مش بتحبني يا عوف.. وده هو الى معذبني.

- إزاي بقه.

- نرجس لها ماضى طويل.. ولها علاقات كتيرة.. وأنا

مش أول واحد فى حياتها.. ومش معقول حاكون آخر واحد.

نرجس كدبت على.

- إنت الى كدبت عليها يا لطفى.. إنت الى قلت لها

باحبك.. وانت مش بتحبها.. وعمرك ما كنت بتحبها. إنت

حبيت واحدة تانية فى دماغك.. واحدة زى الملاك الملهاش

راجل.. أبوها نبي.. وأمها مريم.. إنت ظلمتها. إنت أنانى.

- أنانى إزاي.

- أنانى فى عواطفك.. بتفصل الناس على المقاسات الى

تعجبك.. وتحبهم.. بتنسى دائماً إنك مريض، وإن الناس

بتحبك بعبوبك.

- أنا مش كده.. أنا مش كده أبداً.

- إنت عاوز تغسل نرجس من ماضيها قبل ما تحط

إيدك فى إيدها.

- أنا مش كده.. أنا عمرى ما ظلمت حد.. أنا عشت

طول حياتي فى حرمان.

- المحرومين هم أقسى ناس في الدنيا.

- إنت تفكيرك غلط.

- بالضبط.. لأنه مش من المقاس المناسب.. لأنه مش متفصل حسب طلبك.

- إنت دائماً تصدمنى.. إنت نفسك قلت لى على نرجس كداية.

- انتو الاتنين كداين.. لكن هى أشرف منك.. لأنها بتكذب على الناس بس.. إنما انت بتكذب على نفسك كمان.

- إنت مش طبيعى النهارده يا عوف.. أنا عمرى ما سمعتك بتتكلم بالشكل ده.. مش معقول أكون إنسان وحش بالدرجة دى.

- إنت مش وحش.. إنت صغير.. إنت بقالك ست أشهر عايش معانا تاكل وتنام.. لكن عمرك ما كنت معانا.. كنا بنفرح كلنا.. وانت قاعد تعيط على حبك.. وكنا بنموت.. والنقالة تشيل منا ثلاثة.. وانت قاعد فرحان بالحضن اللى خدته بالليل.. كنت لوحذك دائماً.. واللحظات القليلة اللى فقت فيها للناس اللى حواليك.. كانت صدمات بالنسبة لك.. كانت حاجات جديدة.

- أنا مش فاهم حاجة.

- ومش حاتفهم حاجة.. لأنك بتتكلم لغة ثانية غير اعنا.. بتتكلم إنجليزى.

- إيه ده.

- إنت عايش فى نفسك.. إنت مش بتحب.. إنت بتمر بحالات عصبية.

- إنت لازم شارب حاجة.. مش معقول تقول الكلام ده وانت فى عقلك.

- أنا مش شارب حاجة يا طوفه يا خويا. إنت اللى سكران.

- مش معقول.. إنت عارف قبل كل الناس إنى بحبها.. وعارف قد إيه بحبها.

- هى مين؟.. إنت بتحب تصوراتك.. وبتكره تصوراتك.. وبتعشق خيالك وتخاف من خيالك.. إنت بتعيش أربعة وعشرين ساعة كل يوم مع نفسك.. إنت بترسم مش بتحب.. واللوحة مش عاجباك.. وعاوز تقطعها.. ودى الحكاية كلها..

- إيه ده.. انت بتخرف.

- جازي.

- إنت ضايقتنى جداً.. جداً.. بكلامك.

- اشرب حلبة.. كل الناس الى بيضايقوا من كلامي
بيشربوا حلبة.

وكان الغيظ قد بلغ به غايته.. فسكت وهو يمج على
أسنانه وجذب أنفاساً طويلة من سيجارته.. ثم قام فجأة..
وخرج.

وبقيت وحدي أفكر، وسرحت.. وأغمضت عيني. ومرت
دقائق أفقت بعدها على صوت التمورجى وهى يسمح
الكومودينو ويناولنى صرة.. تذكرتها على الفور. فقد كانت
صرة المرحوم الجرجاوى.. وكان بها رغيف جاف وبصلة..
وهى كل التركة التى خلفها.

وجلست فى فراشى واحتضنتها ولم ألحظ الساعات التى
مرت بى وأنا فى جلستى لا أكاد أتحرك.. ولم ألحظ نرجس
التي دخلت الغرفة وأضاءت المصباح.. لم ألحظها حتى
اقتربت منى وهزتنى من ذراعى.

- مالك يا عوف.

ونظرت إليها كأنى أراها لأول مرة.. وأجبت فى خفوت:

- مفيش.

- مالك.. تعبان؟

- لا مفيش حاجة.. بس نعست شوية.

وكان معها مفرش تشتغل فيه بالإبرة.

ووقفت إلى جوارى تشتغل.. وظللت أنظر إلى وجهها
لانت جميلة.. مضيئة.. وكانت عيناها حزينتين.
وقلت لها برقة:

- سرحانة ليه يا نرجسة.. فيه حاجة مزعلاكى.

- الدنيا كلها مزعلانى.

- دوسى على الدنيا يا عروسة.

- الدنيا داست علىّ يا عوف.. وداست على كل
الحاجات الحلوة الى كنت بحبها.

- إيه الكلام ده.

- أنت نفسك قلت لى مرة إنك عجوزة ووحشة.

- كنت باضحك زى عاداقى.. واننى عارفه.

- لا.. لا.. كنت بتتكلم جد.. وكان كلامك صحيح.. أنا

فعلا عجوزة ووحشة.. لكن مش ذنبى يا عوف.

أنا اتقتلت ألف مرة.. ما بقاش فى روح.. بقيت جسد

وجسد متعذب.

إنت ماشفتيش من عشر سنين.. وأنا طفلة بحب الناس

وأصدقهم.. كنت حاجة تانية.

- وإيه اللى غيرك.

- معرفش.

وسكنت على مضض ثم أشارت بإصبعها إلى المصحف وقالت:

- بص حواليك.. فيه حد يعيش فى الدنيا دى ولا يتغيرش مرضى كلهم يموتوا.. كلهم فى حمى.. أطفال.. وشبان وعجائز وأنا وحيدة بينهم.. حلوة وصغيرة.. وكل واحد يقوللى خليكى جنبى شوية.. عاوز أحكيلك.. وبحكىلى حياته وعذابه.. بعدين يقول لى بحبك.. بحبك يا نرجس.. عشر سنين وأنا عايشة فى حب.

ونظرت فى وجهى وقالت متسائلة:

- أنا معرفش المرض بيعمل فيكو إيه.. بيحرق أعصابكم.. بتحسوا إن عمركم قصير.. بتبقوا نوع تانى غير باقى الرجالة.. تبقوا سخنين.. هه؟

وابتسمت وضربتني على صدرى .

- بتبقوا حبيبه.

وسكنت مدة طويلة.

- وبعدين.

فأجابت وهى شاردة:

- كان كل واحد يحبني لغاية ما يخف وبعدين ينساقى.

كنت زى البروفة الى تتلبس جوه الدكان بس.. كنتو أشطر منى دايماً.. وكنتوا تقعدوا مع بعض.. وتعلموا بعض..

وتقولوا نرجس الشقية.. كنتو تقولوا كده عشان تنسوفى.. وبعدين بقيت شقية بصحيح.. وبقيت أكذب زيكو.. بقيت وحشة.

وسكنت.. ونظرت فى وجهى بعينين جامدتين. ثم التقت مفرشها وعادت تعمل من جديد. وأغرقت فى الصمت.

ومرت دقائق طويلة.. ثم سألتها فى حرج:

- قوللى يا نرجسة.. انتى بتحبنى لطفى.

فأجابتنى فجأة وبعضية:

- أنا عارفه إنه عاوز يطلقتى.. وأنا عاوزاه يطلقتى.. أنا مش بحبه.. وهو مش بيحبنى.. هو واحد منهم.. واحد من اللى كانوا عيانيين وخفوا.. البروفة ما عادتش تنفعه.. هو عاوز بدلة جديدة.

وغلبيها الألم. فبكت فى حرقة. ثم غالبت دموعها ومسحت وجهها وعادت إلى المفرش. وهى تغغم بصوت مختنق:

- أنا بكذب، وأنا باكره الكذب.. أنا طبعى مش كده..

أنا مش وحشه.

ورفعت إلى وجهاً صافياً كوجه الطفلة.. وكانت عيناها تتألقان كسقاء غسلها المطر.

- أنا مش وحشة يا عوف.

- أنا عارف.

- الدنيا اللي عشتها، هي اللي كانت وحشة أوى.
واطمانت إلى ثقتي فهدأت وعادت إليها الابتسامة،
وقالت وهي تشيح بذراعها كأنها تبعد حلماً مزعجاً:

- بكره آخر يوم على كل حال.. بكره المرور والعنبر
حافضي والعينين القدام اللي خفوا حايطلعوا وييجي
عيانين جداد غيرهم.. بكره تنتهي القصة وتطلعوا كلكم من
حياتي وأنساكم.. وتتسوى.. ويبقى مفيش لطفى وعوف وعم
زكى وشيخ حامد.. كلكم حاتبقوا ذكريات.. اتناشر ساعة
وابتدى أعيش من جديد في قصة ثانية.. بكره أقولك سعيدة
يا عوف.. مع السلامة افكرنى بالطيب.

ونظرت إلى نظرة رقيقة وبدا وجهها سمحاً.. ساذجاً..
وتصافحت قلوبنا.. وتصافينا.. وغمرتنا لحظة سعيدة. ثم عاد
وجهها فكسته غشاوة معتمة وانسدل عليه النقاب القديم.
وقلت وأنا أربت على يدها:

- سيبك من الأفكار السوده دى.. الدنيا لسه حلوه..
وانتى لسه حلوة وصغيرة.. وكل الناس بيحبوكي.
فنظرت إلى وهي شاردة ثم عادت إلى شغلها.. وأخرجت
بلوفرًا صغيراً من الصوف.. وأخذت تعمل في آليته.. وانزلق
أحد أزرار مريلتها فانكشف قميصها الداخلى.. ولاحظت

أنه قديم متآكل في عدة أماكن.

وكانت مشغولة بالتريكو.. تحرك الإبر في هدوء وتلذذ.
ثم رفعت يدها عن الشغل فجأة وقالت في زهو:

- حلو البلوفر ده؟ أنا عملته في يومين.

- لمين.. ده صغير أوى.

- لأخويا محمد.

وابتسمت وهي تمسك البلوفر من كفه وتحضنه. وانفرج
النقاب الحزين عن وجهها مرة أخرى كما تنفرج ستارة
قائمة. وتبدت خلفه ملامحها الوديعه.

واتسعت ابتسامتها شيئاً فشيئاً وهي تتخيل أخاها
الصغير يدخل في البلوفر.

- أخويا محمد سنه تسع سنين بس. عاوزه أطلع
دكتور.. حاعلمه في العالى وأدخله الطب.

وعاوزه إيه كمان يا نرجسة؟

- عاوزاه يبقى مدير كبير في الصحة.

- وإيه كمان.

- ويبقى له بيت في الزمالك.

- وعاوزه إيه لنفسك.. لك انت.

.. أنا؟

وسكنت.. ثم أجابت ببطء وبهبرات أخرى خافتة:

- مش عاوزه حاجة.

- أبوكى عايش يا نرجس.

- أبويا وأمى ماتوا.. أنا راجل العيلة.

- أنت راجل قمور أوى.

ونظرت فى عينها أبحت عن الشيطانة العابثة.. سايبه القلوب.. فلم أجد سوى رجل كبير طيب.

ومضت الاثنتا عشرة ساعة بسرعة لم أكن أتوقعها. ووجدت نفسى أجلس فى عربة واسعة بقطار المصححة المسافر إلى القاهرة.. وحولى مرضى عنبر سبعة كلهم.. عم زكى جالس على أرض العربة يلعلع بموال بلدى.. وأنا أنظر من نافذة القطار إلى عتابر المصححة المتناثرة فى الصحراء كخيام عربان رحل.

وكل شىء يبدو لى كالحلم.. فأفرك عيني بين حين وآخر.. وأعيد النظر حولى.

هل كنا جميعًا ننام بين الحياة والموت فى هذه الصحراء العارية.

هل هذا عم زكى اللومانيجى الذى كان يشرب السبرتاية كل ليلة.. ويسعل حتى تتمزق رئتاه وتنزف خراطيم دم.

هل هو عم زكى الذى يغنى الآن.. وكفه على صدغه.

كان الغد يحمل لنا فى طياته هدايا جميلة، دون أن ندرى.

لقد شفيْنَا جميعًا. وحصل اللومانيجى على إفراج. وتغلب على داء المورفين.. وزاد بضعة أرطال.. وامتلاَّت الحفر الغائرة فى خديه.. وجرى الدم فى عروقه.. وانطلق يغنى.

وأكل الشيخ حامد علقة جعلته يكف عن ترديد الأكاذيب. ويخفى السبحة فى عبه.

ومر لطفى بتجربة لن ينساها.

وجلست أنا فى فراشى أجمع خبرات الناس. وأذاكرها فى رأسى كالتمليذ النجيب.

وارتفع صوت عم زكى يلعلع بالغناء. وكانت الشمس تنصب من النوافذ دافئة تبعث الخدر فى الأوصال. وأحسست بأن الدنيا جميلة.. جميلة جدًا..

وكان الشيخ حامد يلقي مصاصة القصب تحت قدمي ويجذبني من سروالى قائلا:

- عارف يا ضلالى ربنا شفاك ليه؟..

- ليه..

- عشان يمد فى أجلك.. لجل تشيل ذنوب كمان وكمان..

ويقالك في جهنم قصر عالى.. حاكم ربنا دائماً يد في ..
الأبالسة.

- يا سيدى كتر خيرك.. ده بركة دعاك.. والأبالسة
لبعضهم..

- وحدوه.. وحدوه.. وحدوا الى فلق البحر..

- فلقتنى يا شيخ.. كل واثت ساكت.. مش كفاية إنك
واخذ عود القصب سرقة.. وكمان حتغنى علينا وتعمل ولى.

- سرقة.. حد الله يا شيخ.. حد الله بينى وبين الحرام..
وفعل الحرام.. وأهل الحرام.. وذكر الـ..

- بس.. بس..

وحشوت فمه بمصاصة القصب..

- بس ما تزعلش نفسك.. قفاك استوى من الضرب..
وصفر القطار.. وظهert نرجس على باب العنبر تلوح
بمنديل كبير أحمر.. وازدحمت نوافذ العربى بالمرضى يردون
لها التحية.. وظل لطفى يدخن فى الركن.. وفتحت عليه
سجائرى وقدمت له سيجارة..

- تشرب..

- لا.. أشكرك..

- غير سجائرك مرة عشان خاطرى.. الواحد لازم

حاجة فى حياته عشان بيتقى لها طعم..

نردد لحظة ثم مد يده وأخذ سيجارة، فقلت أباركه:

دلوقت أنا متفائل.. بكره حاتغير حياتك كلها.. وبعد

نغير تفكيرك.. والسنة الجاية تبقى واحد تانى.. غير
أهلى الغلبان الحيران.

ولم يجب وظل ينظر من خلال النافذة. برهة ثم قال:

- نرجس عملت إيه امبارح..

- ولا حاجة..

- أنا ماقدرتش أستمّر فى الكذب يا عوف.. كان لازم
أطلقها..

- عملت طيب.. ريحتها.. وريحت نفسك..

- أنا مش عارف حاتقول على إيه.. أنا عارف إن رأيك
عنى كان دائماً وحش..

- أبداً.. انت اتعلمت يا لطفى.. وكلنا بنتعلم.. مفيش

واحد فى الدنيا وحش وواحد كويس.. إنما فيه واحد

يعرف.. وواحد ما بيعرفش..

- أيوه صحيح..

وتحرك القطار وبدأت المصحة تبتعد حتى أصبحت نقطة

صغيرة سوداء.. ولاحت الأراضي المنزرعة الخضراء عند الأفق.

وظللنا صامتين حتى دخل القطار محطة القاهرة.. ونزل المرضى لتستقبلهم أحضان أهليهم على الرصيف.. وبقيت وحدي.. أتلفت حولي في الجهات الأربع.. وتذكرت فجأة أن أهلي ماتوا.. وإني وحيد..

وذهبت إلى غرفتي التي غطاها الغبار.. وفي يدي سلة تفاح أهدتها إليّ نرجس.. وجلست أنظر إلى خدود التفاح الأحمر وأفكر في أشياء كثيرة..

تذكرت سنة ونصفاً قضيتها في الصحراء.. وتذكرت الذين ماتوا.. والذين عاشوا.. وتوقفت طويلاً أمام صورة نرجس.. كانت تبدو كتفاحة ناضجة.. في داخلها اللب.. وفي داخلها البذر.. حلوة.. ومرة..

كانت من المادة التي صنع منها البشر كلهم وأحسست بها قرينة مني في وحدتي.. قريبة جداً.. وكان إحساسي حقيقياً.. خالياً من الزيف..

ووجدت نفسي أغمس القلم في المداد لأكتب لها هذا الخطاب.

عزيزتي نرجس..

لن أقول لك إني أحبك.. ولكن سأقول إني أفكر مثلك مستقبل أخيك الصغير محمد.. وأرغب كما ترغبين في أن يكون دكتوراً كبيراً.. وأن يكون مديراً في الصحة.. وصاحب بيت جميل في الزمالك.. وأريد أن أحقق لك هذه الأحلام..

وأقول أيضاً إني مثلك.. أحلم.. وأرغب في حياة جميلة نافعة.. ولا أحقق من هذه الأحلام في النهاية إلا.. بلوفر صغير..

إننا نتشابه في آخر الطريق.. كلنا.. لا توجد فروق تكفي ليحكم الواحد منا على الآخر.. وليصبح بعضنا قضاة.. وبعضنا متهمين.. كلنا سواء..

إني سعيد بالأيام التي قضيتها مريضاً.. وسعيد بالأيام التي عرفتك فيها.. ولن أنساها أبداً.. أشكرك على التفاح..

إنه حلو شهى مثل خدودك.. وسوف يبقى طعمه في فمي
طويلاً.. هو وذكرياتك الحلوة..

المخلص
عوف

وألقيت الخطاب في الصندوق.. وفي الطريق.. بدأت
أذكره من جديد في خيالي.. سطرًا.. سطرًا.. وكلمة..
كلمة..

هل أحببت نرجس؟
ربما.. من يدري..

وضحكت.. هذه المرة.. على نفسي.. على الشاطر
عوف.. صاحب النصائح التي لا تخيب.. في دنيا الغرام.

القطار

القطار يسير.. وصفيحة الزيت المثقوبة تهتز، وجوالات
الدقيق تتمايل.. وعلى الأرض فلاح يحتضن أوزة ولبشة
قصب.. وأطفال ينامون.. ونمل بشرى مرصوص.. وأنا
أتشغل بصحيفة في يدي.. وأمامي مقال طويل عن بطل
أمريكي بدأ حياته وفي جيبه ريال.. اشترى به مبيدًا
للصراصير وطاف على ربوات البيوت يدعو إلى طريقة
الاستعمال لمقاومة الحشرات، وجمع مئات الريالات، فتح بها
دكانا ثم تطور الدكان إلى مصنع.. والمصنع إلى شركة،
والشركة إلى مؤسسة تدر الملايين.. ثم مشروع تجاري له
فروع في القارات الخمس.. وأصبح داني هوكي الفقير..

ملك الحشرات في أمريكا وصاحب مئات الملايين من الدولارات.. وتنازل أخيراً عن نصف ثروته لجمعية رعاية الكلاب في بوسطن.. ومات مبكراً على شبابه الغض وعبقريته الفذة..

وكل هذا من ريال وعلبة من سم الصراصير.
وتهتز صفيحة الزيت إلى جوارى.. لتعود بي من الآمال العريضة التي دفعني إليها المرحوم داني هوكي وتلقى بي أرضاً.. بين الفلاحين الذين يمحون القصب ويتجشئون.. وأتذكر نفسي..

لقد بدأت حياتي وفي جيبي ألف جنيه..
كنت أغني من دانيهوكي أكثر من ألف ضعف..
وفتحت متجرّاً للزيت وكافحت في عزم وصدق وأمانة..
ولكن الزيت أصر على أن يزنخ في مخازنه..
ودخلت معاصر البخار الحديثة من بلاد داني هوكي إلى قريتي الصغيرة فطردتني أنا ومعضرتي التي تديرها بقرة إلى عرض الطريق..

وانتهت قصة الألف جنيه إلى ريال..
كيف تحول الريال في يد داني هوكي إلى مئات الملايين من الدولارات، وتحولت الألف جنيه في يدي إلى ريال..

أهي الأقدار.. والصدق.. واللواترية.. التي تحكم مصائر البشر؟

وما للأقدار ومالي؟

إني رجل قبطي سليم النية.. على ذراعي ثلاثة صلبان وعلى صدري وشم العذراء مريم.. ولم يشرق عليّ صبح لم أسل فيه وأسبح باسم الأب والابن والروح القدس.. لم أسرق ولم أكذب ولم أزن ولم أخن جاري.. وحينما كانت أمي تموت والقسيس يهدئ من روعها قائلاً:

اذكري يا أماه آلام المسيح على الصليب..

كنت أبكي..

ولكني الآن وأنا أتذكر حياتي وحياة الناس وأضع الحقائق إلى جوار بعضها البعض.. أجد أن آلام المسيح كانت شيئاً هيناً.. فلم يكن للمسيح أبناء.. وكان يموت من أجل هدف نبيل تهون من أجله آلام أربع وعشرين ساعة على الصليب..

أما أمي.. فقد عاشت على الصليب ستين عاماً.. وماتت بدون هدف يبرر عذابها.. وخلفت طفلاً كبيراً بذراع معروفة يعصر الزيت من تراب الأرض..
هيه.. يا أماه..

إن القطار يسير.. وفي هذا الكفاية..

القطار يسير.. ولا شيء يظل في مكانه أبداً..

أنا والناس والشمس والنجوم وموج البحر ودود الأرض.. كلنا نتحرك..

وامتدت من النافذة ذراع تحمل قفة بها ذرة.. وأدخل فلاح رأسه في العربة.. ثم زحف بجسمه وسقط على الكرسي.. ومن خلفه ثلاث عيال.. وهو يصيح فيهم.. أوعو البيض..

وكان القطار قد وقف.. وباعة السميط يسدون النوافذ.. واللحم البشري يتكدس.. والصراخ يمتزج بالعويل بالصغير بالأحضان بالقبيل.. وعجوز على المحطة يلوح بيديه:
- يا عوضين.. ماتتساش تقرأ الفاتحة لأُم هاشم..
الفاتحة بأمانة يا وله..

والقطار يتحرك.. وصوت البلع يطرق على الرصيف.. وصفير البخار يصك الآذان.. والفاتحة أمانة يا وله.. وشبح العجوز يتضائل حتى يصبح علامة سوداء على الأرض.. والغيطان تملأ الناحيتين كبساط من سندس تنزلق عليه العربات.. وعويل السواقى.. ونقيق الضفادع.. وخوار البهائم.. والبيوت الطين.. وأعمدة البرق.. والدنيا التي تشبه شريطاً يتحرك.. وأنا في مقعدى أنظر في كلمة..

مشوهى الحرب.. المنقوشة على جدار العربة بالطلاء الأسود، وأتحيل قصة هذه العربة منذ سنوات حينما كانت تنقل الجرحى.. والقنابل تنفجر حولها أيام العلمين..

وربما على نفس الكرسي الذى أجلس عليه.. كان هناك جندي ينزف ويموت.. والكرسي أمامه.. ونظرت أمامي.. كانت هناك امرأة زيفية طويلة عريضة الصدر في جلباب أسود وطريحة.. كان وجهها جامداً أجعد، وعيناها لا تطرفان.. وفمها مزموماً، وخداها غائرتين..

كانت صلبة كالجدار الذى تشق في أكثر من مكان ولكنه ظل شائخاً.. وكان ذراعها الناحل كقطعة الخشب يرفع صفيحة الجبن الثقيلة إلى رف العربة في خفة كأنها ذبابة.. وعلى حجرها ينام طفل يمضغ قشرة برتقالة، وإلى جوارها تقف بنتها في فستان أحمر تحمل كتاباً..

- أبويا جاي إمتى.. أم.. أبويا جاي إمتى؟
- أبوكى في البندر يا بت.. إيه الى حايببيه دلوقت..
- كل ما أقولك تقولىلى أبويا في البندر.. هو حايقعد في البندر طول عمره..

- وعاوزه من أبوكى إيه؟..
- عاوزه، أوريله، الفستان الأحمر، وكتاب المدرسة..

وابتسمت الصغيرة.. وفتحت كتابها.. وأخفت وجهها فيه
وراحت ترسم على الصفحة بشعرها الطويل الذهب.. ثم
أخذتها النشوة فراحت تقفز كالقطة.. وتهتف بأعلى صوتها..
زرع.. حصد.. كتب..

ثم وضعت الكتاب أمام أمها وأخذت تشير بإصبعها
الأبيض إلى الصفحة:

- شوفى السمكة.. والعصفورة.. والضفدعة..

ورفعت عينيها الواسعتين فجأة وتشبثت بجلباب أمها
الأسود هاتفة:

- أبوى جاى بكرة؟..

وتخلصت الأم من قبضتها ولم تحب..

وعادت الصغيرة تقفز.. وابتعدت.. وغابت فى الزحام..
ولفت الأم وجهها بالشال وغمغمت.

- أبوكى تحت التراب.. يا عيشة يا بنت الجرجاوى..
راح له سنين..

وصفر القطار.. ثم بدأ يهدئ من سرعته وتوقف فى أحد
المراكز..

ونفضت الأم واقفة.. على رأسها صفيحة الجبن وطفلها
على ذراعها.. والطفلة الأخرى فى يدها.

وعلى الرصيف كانت عيشة ما زالت تقرأ.. بصوتها
الرفيع كالجرس.. زرع.. كتب.. وأمامها صفيحة الجبن
تتأرجح على عنق نحيل.. وأمها تتقدم فى خطوة ثابتة..
وصفر القطار كأنه يقول معى..

كل شىء يهون كما تهون المسافات..

الزمن يمشى على كل شىء.

وكانت الأم تبسم وهى تسير إلى جوارنا كأنها تقول هى
الأخرى:

- لم يمت أحد.. سوف يتعلم العيال..

وعربة مشوهى الحرب بمن فيها.. تتقدم عبر الحقول.

أصبح مستحيلاً.. على أن ألبأ للنصائح ومنشورات الصحف
لأبت فيها..

أصبحت أشبه سفينة جميلة قلاعها مشرعة.. ولكن بدون
ريح.. هناك جزء ما مكسور في آلة وجودي.. ربما كان سلكاً
رفيعاً يوصل بين عقلي وقلبي.. ويحمل إلى نفسى الكهرباء
والنور.. سلك رفيع انقطع بانقطاعه خيط حياتي.

إن حياتي حينها تعود إلى الآن.. تعود مقطعة الأوصال
كشريط من صور منفصلة..

صورة أبي وهو يعود من الدكان كل يوم فيقرع الباب
بعضاه.. ويستقبل أمي بسيل من الشتائم.. ثم يفتش عني في
البيت ويسحبني من أذني.. ويضربني علقه لأني لا أستحم..
فإذا كنت في الشارع ضربني علقه لأني لست في الفراش..
وفي الصباح يحملني من السرير ويضع رأسي تحت
الحنفية.. ويضربني قلمين لأسرع في لبس ثيابي.. ثم يضربني
شلوئاً لأهرول إلى المدرسة.. ثم يتلطف على الباب ويعطيني
مليماً لأصرفه..

وصورة أمي وهي تلقي عليّ تعليمات الصباح:

يا وله.. ما تنزلشي الحارة..

يا وله.. ما تلعبشي مع العيال الخسرايين..

ما تبصش للجيران.. اقلل الشباك..

لا أحد

إلى جوار فراشي عشرات الزجاجات من أقراص
اللومينال والفيرونال، وألوان من الأمزجة والنقط.. بعضها
يقوى الأعصاب، وبعضها يشد العضلات، وبعضها يساعد
على النوم.. وبعضها يساعد على اليقظة..

وأنا راقد كالعربة المفكوكة في جاراج، كل جزء منها في
مكان.. كل شيء في وجودي مفكك حتى أحلامي.. حتى
أفكاري.. وأنا أجمع أجزائي بعضها على بعض كلما أردت
أن أصل إلى قرار صغير تافه.. مثل إضاءة المصباح..
أو إشعال سيجارة، أما البت في القرارات الكبيرة فقد

ما تتكلمشى كثير.. اتأدب.. واقفل بـك..

ما تبـحلقشى فى البنات.. اختشى عيب..

ما تجريش كثير..

اقعد ساكت.. خليك حلو..

ما تاكـلش فى رمضان.. تخش جهنم.. حرام..

عيب.. غلط.. حرام.. مش أصول.. مش تمام.. قلة أدب..

قلة حياء..

سجن.. سجن غليظ..

وفى المدرسة صورة لسجن آخر.. أشد قسوة وغلظة..

المدرس يستلمنى بالضرب ويقول عنى إنى بليد.

والمفتش يسخر منى ويقول عنى إنى حمار..

والناظر يهددنى بالرفق ويقول عنى إنى غبى..

والامتحانات تلهث خلفى..

وأنا حيران بين سجن البيت.. وسجن المدرسة.. لا أجد

إلا الشارع أفر إليه كلما ضاقت أنفاسى.. فكأنى أرفع

رأسى من تحت الماء بعد غطس طويل لأخذ شهيقاً عميقاً..

وأيام الصبا..

وسن الثانية عشرة وهو يقبل بإرتجافاته وأحلامه..

واللذة التى تتفتح لى فى الفراش وأنا وحدى.. والغرفة

مغلقة.. ثم تستبد بى.. وتتحوّل إلى سجان آخر لا أقوى
على الهرب منه..

وأسمع الأولاد يقولون.. إنها عادة رديئة تـهـدم الصحة..

وأصغى إليهم فى فضول ورعب.. وقد عـزمت أن أقـلـع عنها..

فإذا خلوت بنفسى تسـلـت يـدى وهى ترتجف تحت الغطاء،

وتشايكت أحاسيسى فى مزيج من النشوة والقلق والخوف..

وفى النهاية يتصبب على جسدى العرق البارد ويستولى علىّ

الندم.. وأتصور وجهى فى الصباح وقد غدا أصفر مثل وجوه

الموتى.

والبنات وأنا أنظر إليهن من خلال المعلومات القليلة

التي عرفتـها من السينما والروايات وأحاديث الليل تحت

القانوس مع شلة العيال..

وصوت أم كلثوم وهى تغنى.. يا ما أمر الفراق.. وأنا

واقف فى البلكون وحولى قصارى الزرع.. وتعريشة

الليلاب.. وصغير قطار الدلتا من بعيد.. وأنا أحلم بأنى

ملك.. ملك كبير من ملوك زمان..

وسنوات الشباب الواحدة منها تجر الأخرى كقطار من

التعاسة..

ويوم السبت الذى لا أنساه.. وسكرته المـدرسة..

لى فى حزن:

- طلب مجانيتك رفض وسوف تطرد من المدرسة إذا لم تسدد المصروفات..

وأبى الميت فى البيت..

واليوم الأول فى الشارع.. وقد تركت المدرسة خلفى وذهبت أبحث عن عمل..

وورشة السيارات التى أعمل بها عتالا.. أتجول بالعفريتة الزرقاء بين الشحم والزيت وصراخ الأسطوانات.

ثم سلسلة من عشرات الأشغال أتقل من الواحد إلى الآخر، ملاحظ وإبور طحين.. كاتب أنفارة.. خولى عزبة.. كمسارى أتوبيس.. عامل فى مسبك حديد.. أسطى فى ورشة خشب.. والفقر وهو يجرى خلفى فى كل شغلة..

ويوم الأحد من كل أسبوع وأنا أتعشى عند عمى العجوز.. وثرثرة آخر الليل.. والغرفة العارية الكالحة.. وعمى وهو يجذب أنفاساً من الجوزة وقد تكوم على مرتبة قذرة.. ومضى يهذى بسيل من المواعظ والحكم:

- دنيا ما تسواش يا ابن أخويا.. كله محصل بعضه.. الفقر محصل الغنى والصحة محصلة المرض.. والعالى محصل الواطى.. تندم على إيه.. على الفلوس؟.. الفلوس بييجيبها إبليس وباخذها إبليس.. وكله فانى.. اضربها صرمة تعيش مرتاح..

ولكنه لا يضربها صرمة.. بل يضرب نفسه صرمتين.. ويشرب خمرًا أردأ من الخل.. ويعب من الجوزة القائلة حتى مطلع الصبح..

وسنوات الرجولة وهى تشرق على متأخرة بعد عمر طحنته الآلام.. والنقود القليلة التى ادخرتها من لقمتى.. وقد فتحت بها دكاناً للكتب القديمة.. والفراغ الطويل الممدود وأنا جالس فى الدكان أقرأ الكتب التى أبيعها وأشتريها.. وأتغذى بوجبة من الحلاوة الطحينية كل يوم.. وأقضى الليل فى مقهى يومية وأنا سرحان.. أفكر فى أسئلة كثيرة عن حياتى وحياة الناس.. وماذا نريد كلنا من الدنيا.. ومن أكون أنا..

أنا.. طلبة عبد الحميد رضوان..

أنا لا يمكن أن أكون رجلاً واحداً هو عم طلبة.. صاحب مكتبة طلبة.. إن الكلمات الأربع فى اسمى لا تعنى شيئاً.

أنا عشرات من الناس يسكنون ثوباً واحداً.

هناك عم طلبة الذى يصلى الفجر حاضر ويحلم بزوجة غنية وفدادين وفيلا فى شارع الهرم وعربة وحياة رقيقة، واحترام ومقام ومعاش من الحكومة..

وهناك عم طلبة آخر يسب الدين ويسرق الزنا..

ويبصق على العمارات والفدادين، ويشرب زجاجة خل قبل أن ينام.

وهناك عم طلبة ثالث يقرأ الكتب ويفكر في الحياة والثواب والعقاب ويناقش قضايا مجتمعه..

وهناك عم طلبة رابع يفكر في الانتحار والموت وحرق الدكان وهجرة البلد.. إلى أين؟ لا أحد يعلم.. ولا حتى هو..

وهناك عم طلبة خامس ينام في الجامع ويسرح مع الدرايش ويرتل الأوراد والأذكار ويتوه في البخور.. وهناك عم طلبة سادس وسابع.. وعشرات.. كل واحد شكل..

وكل هؤلاء هم أنا.. أراهم الآن بنصف عين وقد تفككوا.. وتكوم كل واحد في ركن بالغرفة.. وقد انقطع الخيط الذي يربطهم في شخص واحد.. هيه.. يا عم طلبة..

أين أنت بعد المشوار الطويل الذي قطعته؟

أنت في الجاراج.. الموتور في مكان.. والعجلات في مكان.. والمقاعد في مكان.. والبطارية في مكان..

لقد تصادمت بجدار فتهشمت ألف قطعة.. وتبعثرت أيامك..

هل تذكر كيف حدث هذا؟..

إنها قصة قصيرة تروها الجرائد عادة في سطرين.. لقد تيقظت في الصباح.. وتركت منزلك وقد ملأت بطنك بفطور دسم.. ولقيت نفسك في بذلتك.. وسرت تترنج نشواناً قانئاً بحياتك..

وبلغت الدكان من طرق ملتوية لتستمتع بالمشي.. ولتستمتع بوقع قدميك وهما تطرقان حصى الرصيف.. وفي الدكان جلست.. وقطأت.. وصحت بأعلى صوتك: يا وله.. روح هات لي شاى من القهوة..

ووضعت ساقاً على ساق وأرخت حبال تفكيرك.. وبين نعاس الرضا ورشقات الشاى وهزات ساقك وانسدال جفنيك.. كنت ترى كل شيء في الشارع حلواً.. يا وله.. هات لي جوزة من القهوة.

وفتحت كتاباً على حجر.. ومضيت تقرأ.. وتكرر بالشيخة.. وتبيع وتشترى.. وتشغل بالقروش في جيبك.. إن كل شيء على ما يرام..

لقد تغلبت على الجوع والفقير.. وهأنذا نضم ساقاً..

ساق في دكان تملكه وتبيع فيه وتشترى..

وأنت قرير العين راض عن نفسك.. فكل قرش تكسبه هو بكذك وعرقك.. ولا أحد له عندك حاجة..

وتقددت في جلستك واحتواك الكرسي كأنه حضن... وكركرت الشيشة كالقطعة عند قدميك..

يا وله هات الكتب من عند التجليد..

يا وله هات فحم..

يا وله امسح الجزمة..

يا وله نزل الكتب دول من على الرف.. وطلع الكتب دول بداهم.. وروح هات السلم من عند عم محمود..

غبت ليه يا واد.. كنت فين.. انت رحت مت..
ما لقيتوش؟ طب قاعد ليه.. مستنى إيه.. مستنى طلوع
روحك.. شايف التراب راقات على الأرفق ازاي.. هات
المنفضة واطلع نفضه..

امشى.. اتحرك.. ماتيقاش ميت.. نزل اللعبة من فوق
عشان تغسلها.. رجع اللوح الخشب ده مطرحة.. حطه فوق
الكرتونة.. شيل الزبالة اللي في السكة دي.. قشها بالمقشة
قوام.. طلع الصندوق ده بره.. اعدل الرف المائل ده.. كذه
توقع الكتاب على الأرض يا حيوان.. أنت مسطول.. إنت..

ولطشته على وجهه.

وهرب منك كفأر مذعور وهو يغطي وجهه بذراعه..
وكان فمه يسيل منه خيط من الدم.. والتصق بالركن وهو
يتهته:

- والنبى هو الى وقع منى.. والنبى معلىش.. والنبى
ماعنشش.. دنا يقيم وغلبان وماليش حد..
وكفت يدك عن الضرب.. ولعلها شلت.. وهى تسمع
الكلمات الأخيرة..

لقد تذكرت أنك قلت نفس الكلمات.. منذ عشرين
عامًا.. قلتها لأسطى ورشة السيارات وهو يلوح في وجهك
بقطعة حديد وأنت تلوذ بالركن وتحمى وجهك بيدك وترتعد
من الهلع وتتهته:

- دنا يقيم وغلبان وماليش حد..
وحملت في وجه الولد فرأيت صورتك تعود إليك.
ونظرت إلى يدك كأنك تنظر إلى يد رجل آخر
لا تعرفه.. رجل متوحش..
وظل الدم يسيل من فم الصبي وحملته
الإسعاف.. ومرت عليك ليال لا تنام..
إن كل ما حدث إنك امتلكت دكانًا.. فتغيرت.. تغيرت

دون أن تدري.. أصبحت تدفع مع إيصالات النور والماء وإيجار الدكان أقساطاً من ضميرك كل شهر.. وهكذا يفعل أصحاب الدكاكين.. وكل التجار.. فأنت تكذب وأنت تشتري الكتب... وأنت تكذب وأنت تبيعها.. وأنت تضغط على مصروفاتك.. وتضغط على عنق الصبي الصغير اليتيم.. ولا فائدة..

وأنت تمسك بخناق الصبي كما كان الأسطى يسك بخناقك، إن الصبي يموت في المستشفى..

وسوف تكتب الصحف الخبر تحت عنوان.. ضرب أفضى إلى موت.. وتروى الحادث في سطرين.

ولكن الحادث أكبر من مجرد خبر في صحيفة.. إنه نافذة واسعة مفتوحة على حياتك يا عم طلبة.. إن حياتك لم تكن كفاحاً.. وإنما كانت دوراناً في نقطة واحدة.. كانت تكراراً..

في البداية كان هناك رجل فظ قاس يضرب صبياً صغيراً.. وفي النهاية كان هناك رجل فظ آخر يضرب صبياً صغيراً آخر.

لم تفعل شيئاً في العمر الذي عشته..

كنت مثل أبليك ومثل أسطى ورشة السيارات..

لم تكن موجوداً في هذه الأعوام الستين..

كانت هناك حوادث تحدث بمقتضى البيع والشراء.. ودكاكين تفتح وتغلق.. وتحتاج بين حين وآخر إلى اعتداءات وجرائم صغيرة..

وكانت هناك جنايات تسعى إلى الأيدي التي ترتكبها.. ولو تصفحت الجرائد لوجدت حكايتك منشورة في سطرين.. في جريدة قديمة صدرت قبل أن تولد.. ولوجدتها في كل جريدة.. وفي كل يوم..

أنت مجرد رجل مكرر..

رجل تخلقه التجارة في الدكاكين وتعيش له عمره، ثم تقتله.. واسمه أحياناً بيومي.. وأحياناً خليل.. وأحياناً طلبة اسمه.. أى اسم.. لأنه في الحقيقة.. لا أحد..

ولكن الزوجة في حالة تعة..

إنها تحس بالرهبة والخوف والقلق والتوتر.. وأكثر من
هذا تحس أنها مهزومة أمام الجو الذي يلعب على أعصابها..
وأمام الصمت.. والخلوة السرية التامة التي تحيط بها..
وهي لا تحشى شيئاً أكثر من خشيتها من نفسها..
إنها تواجه ضعفها لأول مرة.. وهي تحس بالتمزق
والصراع..

أما حبيبها فهو في الركن يعطيها ظهره.. ويمل على
جهاز بيك آب لدير أسطوانة.. ويتحدث بصوت رقيق
حنون..

- هذه الأسطوانة من أحب الأسطوانات إلى قلبي..
أتعرفين ماذا تقول كلماتها..
يا حبيبي.. لا تدعني..
إني أتوه في هذه الدنيا حينما أفارق ذراعيك..
إن حضنك الدافئ هو بيتي.. هو سكتي..
هو أهلي الذين أحبهم..
هو أيامي كلها..
يا حبيبي أنت دنياي..
أنت.. أنا..

الشاطر

شقة خاصة..

غرفة استقبال شبيهة بالمخدع. المقاعد عريضة تصلح
للجلوس والنوم في وقت واحد.. النور أحمر ضعيف..

الزوجة تجد نفسها لأول مرة في حياتها في هذا الجو
المريب.. لقد خرجت من البيت بحجة الذهاب إلى الخياطة
ثم ذهبت لتلقى حبيبها في شقته بعد الحاح وإغراء متواصل
لمدة سنة.. وبعد أن طمأنها الحبيب بأن اللقاء لن يكون
سوى زيارة عادية.. في جو أخوى.. وأنه لا داعي لتصور
أشياء لن تحدث بالمرّة..

والغنى صوته ساحر.. إنه إيطالى اسمه بيرجيوفانى..
يضع الإبرة ويدير الجهاز ثم يخفض صوت الغناء حتى
يصبح كالهمس..

تمضى لحظة.. يبتسم وهو ينظر فى الركن..

فى الواقع أنه كان يكذب طول الوقت.. فالأغنية
الإيطالية لا تقول هذا الكلام.. وهو لا يعرف الإيطالية
بالمرة.. ولكنه كلام خلقه بالمناسبة فهو شاطر.. مجرد شاطر..
لذته الوحيدة هى مجرد الشطارة والانتصار، وإجراء
عمليات الحب بنفس البرود الذى يجرى به الطبيب عملية
استئصال.. بدون حماس..

وهو يستخدم لسانه كالمشرط يقطع به اللحم الحى
ويستمتع بلذة غير إنسانية.. غير لذة الحب.. هى لذة
الخبرة.. والتفوق على الزوجات التبعيات الضعيفات.
يقترّب منها ويمسك يدها ويقبلها.

تسحبها منه بسرعة.. وهى ترتعش كأنها أحست بلسعة.
- أتخافين منى.

- أنا لا أخافك.. ولكنى أخاف نفسى.. أريد أن أخرج
من هنا.. أريد أن أهرب.. أريد أن أرجع إلى بيتى.

تحاول القيام.. يمسك بيديها فى توصل ويقبلها فى حنان

دافق.. تنهاوى على كرسيها من جديد.

- لا أعرف ماذا سيكون نهايتنا.. ما نهاية كل هذا.
ما الفائدة.. لقد أضعت نفسى.. كنت أعيش فى تعاسة
واحدة فأصبحت أعيش فى تعاستين.. كنت متزوجة من
رجل لا أحبه فأصبحت أحب رجلاً لا أتزوجه.. أصبحت
ممزقة بين رجلين.. وبين عذابين فى كل لحظة.

تبكى فى حرقة.. يأخذ رأسها فى صدره.. ويربت على
شعرها.. ويمطرها بسيل من القبلات.. وهمس فى أذنها.
ما الذى يدعوك إلى التفكير فى التعاسة فى هذه اللحظة
الجميلة.. وأنت معى وأنا معك.. وأنت تحبينى وأنا أحبك
واللحظة التى نعيشها ملكنا.. لحظة انتصار.. لحظة تصنع فيها
الحلم الذى طالما حلمنا به وتعذبنا من أجله.

- إنها ليست لحظة انتصار.. إنها لحظة ضياع.. إنها مجرد
لحظة سوف تنتهى وتخلّف لنا الحسرة.

- كل شيء فى الدنيا لحظات تنتهى.. حياتك مع زوجك
لحظات تنتهى.. وسعادتك لحظات تنتهى.. وعذابك لحظات
تنتهى.. وأنت نفسك عمر ينتهى.. كلنا سوف تنتهى..
لا شيء سوف يبقى فى هذه الدنيا.

- إذن ما الفائدة.. ما فائدة أية لذة.

- وما جدوى أى بكاء.. لا توجد حقيقة تستحق منا

أن نبكى من أجلها.. الحقيقة الواحدة هي أنت.. وجودك معي الآن.. في هذه اللحظة.. لماذا لا نعيش هذه اللحظة قبل أن تفلت من أيدينا.. ولا تعود.

يحتضنها ويتحسس خدها ورقبتها وصدرها ويتحدث في نبرات خافتة.

- إنى أتذكر الآن قصة طريقة قرأتها من زمان.. قصة قسيس كان يزور نجارته الأرملة الجميلة كل يوم ويقرأ عليها موعظة دينية لتحفظها من إغراء الخطيئة.. كان القسيس يخشى عليها من جمالها ومن حياتها وحيدة، ومن إغراء الرجال، وفي أحد الأيام رآها تحزم حقائبها وقد أزمعت السفر.. وقالت له إنها سوف تسافر بعيداً.. وسوف تغيب عدة أشهر.. واستمهلها القس قليلاً.. ريشاً يأتي لها بهدية من الدير.. وغاب قليلاً ثم عاد يلف شيئاً في عباءته.. ولما فتحت اللقافة.. صرخت فلم يكن ذلك الشيء سوى جمجمة ميت متآكلة تساقطت أسنانها.. وقال لها القس في صوت رهيب.. انظري يا امرأة.. انظري وجهك في المرأة.. أتشاهدين هذه الفتنة الساحرة.. أتشاهدين شعرك الفاحم في سواد الليل وأسنانك الناصعة كاللؤلؤ.. وفمك الأحمر كفص العقيق.. وعينيك الصافيتين الزرقاوين كأنها قيس من نور السماء.. تأملى هذه الفتنة وانظري فيها ملياً فما هي

إلا وهم.. ما هي إلا سراب ما يلبث أن يزول.. ولا يبقى منك إلا هذا الشيء.

وأشار إلى الجمجمة المتعفنة المتآكلة التي تساقطت أسنانها.. هكذا أنت يا امرأة.. وهكذا نحن جميعاً.. وهكذا الدنيا.. وهكذا لذاتها ومفاتها.. كلها أوهام.. باطل الأباطيل الكل باطل.. لا شيء يبقى من الإنسان إلا كلمته الطيبة وعمله الصالح.

خذى هذه الجمجمة.. أنها هديتي التي اخترتها لك لترافقك في أسفارك.. وتذكرك في وحدتك بكلمة الرب. وأخذت الأرملة الجمجمة وسافرت وغابت شهرين.. ثم عادت.. وفي يوم عودتها كان القسيس في انتظارها.. وكان متلهفاً.. يريد أن يعرف ماذا حدث في هذين الشهرين.. وقالت الأرملة وهي تضحك طرباً.. أبتاه.. إنى لن أكذبك لقد أنفقت هذه الأيام الستين بغاية الحكمة والعقل.. لقد كنت أنظر كل يوم إلى جمالي في المرأة، ثم أنظر إلى مصير هذا الجمال حينما ينتهي به الحال إلى هذه الجمجمة العفنة.. فأبكى فزعاً وخوفاً على جمالي.. وأسارع إلى الاستمتاع به والتلذذ بمفاته قبل أن تزول.. وهكذا.. كان لي في كل يوم من هذه الأيام الستين عشيق نختار أوهامه

بين أحضانها وأسكب بين ذراعيه شبابى.. وأسقيه حياى قبل
أن يشرب الدود ماء هذه الحياة.
وسقط القسيس المسكين مغشياً عليه قبل أن تكمل
كلامها.

يسكت.. ويترك المؤثرات الموسيقية تكمل القصة..
بينما يتحسس شعرها ويقبله.. يميل بقمه ويختلس قبلة خلف
أذنها.. فترتعد.. يهمس فى صوت حنون.

- وأنت أيضاً تعيشين مثل هذه الأرملة مع زوج
لا تحبينه.. وجمالك يذبل وشبابك يذوى.. وعليك أن تختارى
بين هذا الموت عبثاً.. وبين هذه الحياة بين ذراعى.. بين حنايا
قلبى..

تجاوبه بصوت ضعيف فيه آخر أنفاس المقاومة.

- ولكن.. ولكنى أم.. وزوجة.. وزوجى هو صديق حميم
لك.. فكيف يمكن أن.. يا إلهى.

- صداقتى لزوجك مجرد كلام.. وكل حياى فى الدنيا
مجرد كلام.. الحقيقة الوحيدة التى أعيشها بقلبى هى حبى
لك.. صوت قلبى يغطى على كل شىء ويحيله إلى وهم.. كل
شىء يبدو لى الآن وهماً.. كل شىء ما عدا حبى لك.. بينى
وبين الدنيا ستار يحجب عنه كل شىء.. حياى فى هذه
اللحظة تشبه غرفة مبطنة بالمرايا، كل بقعة فيها تعكس

صورتنا نحن الاثنين.. ولا شىء سوانا.. لا شىء سوانا..
نعم.. أنا لا أشعر بشىء سواك.. أنا أعبدك.. أنا أجتون
بك..

يقبلها فى صدرها.. فتسبل جفניה وتسترخى فى شبه
إغواء.. وقد أحست أن الأمر قد خرج من يدها إلى الأبد..
وأن كل شىء أصبح مباحاً.. ويمكنها.

بعد مرور عشرة أعوام..

العشيق والزوج يلعبان النرد ويتبادلان حديثاً ودياً.

الزوج - أنا لا أفهم ماذا يبيحك إلى الآن بلا زواج..
أنظنها شطارة.

- شطارة طبعاً.. فأنا متزوج ولكن مجاناً.. (يسكت
لحظة) لى أولاد أيضاً.

- وهل هذه هى الشطارة فى نظرك.. أن تعيش كاللص
تسرق من كل مطعم لقمة.

- تأكد أنى لا أسرق.. وإنما أنا مدعو فى هذه المطاعم..
وأكثر من هذا أنهم يحلفون على لأشارك معهم فى كل طرقي

- أنت مخدوع فى نفسك.. أنت الآن فى الخمسين من
عمرك ولا بيت لك ولا أسرة ولا حقوق.. مثل الكلاب.

الضال.. وخيننا تطمع فيك زوجة خائنة.. فإنها تطمع فيك باعتبارك بقشيشاً.. مجرد بقشيش.. قرش زيادة في مكاسبها كزوجة وأم وكامرأة لها حقوق.. وبعد أن تنفك في ساعة انبساط ترميك مثل العملة الماسحة.. وفي النهاية تعود إلى بيتك فلا تجد لك بيتاً.. والعمر يتقدم بك ولا حقوق تتراكم لك عند أحد.. بالعكس خسائر لك هي التي تتراكم على دماغك كل يوم.

- (في غيظ) أليس من الجائز أن تكون أنت المخدوع.. من أين لك الضمان بأن بيتك لك وحدك.. وأولادك هم أولادك؟

- أنا أعرف رأيك في كل النساء.. إنهن جميعاً خائنات.. والرجال جميعهم مخدعون.. وأعرف رأيك في كل شيء بأنه أكذوبة.. ولهذا أشعر بالشفقة عليك لأن آراءك كانت دائماً أكبر عقاب لك.. ولم تكن عقاباً لنا.. أنا مثلاً لا أفكر ماذا تفعل زوجتي إذا تغيبت ساعة خارج البيت.. لأن زوجتي قطعة من بيتي.. وبيتى مجموعة من الروابط والواجبات.. ومن شأن هذه الروابط أن تضلح نفسها كلها أخطأ واحد منا.. والخير دائماً يتغلب على الشر مع طول الزمن والعشرة.. ونحن لسنا ملائكة لنحاسب بعضنا بعضاً.

أظن لو أنك كنت الأب غير الشرعى لابن من

أولادى.. أ يكون ابنك.. أبداً.. إنه يكون ابني.. بالرغم من أى ادعاء تدعيه.. لأن البنوة ليست حقاً يولد في جرسونيرة.. وإنما البنوة عشرة وتربية وحب..

وتصور نفسك في النهاية، وأنت محروم من كل أولادك.. وليس لك عليهم حقوق.. ولو قلت لواحد منهم.. أنا أبوك.. فإنه يبصق في وجهك.. وهذه هي الشطارة التي تدعيها.

أنا لم يحدث أن اعتبرت نفسي شاطراً.. ولم يحدث أن اعتبرت زوجتي مثالية.. أبداً.. أنا حيأتى الزوجية بدأت بالنكد والشقاق.. ولكنى كسبت زوجتي في النهاية.. عاملتها بحب واحترام وثقة.. ولم أفكر في مرة أن أشك فيها..

اعتبرتها لصة وسارقة ولكنى أودعتها مالى وثروتي وكرامتي ولم أشك فيها.. وكانت النتيجة أنها أحببتى في النهاية.. من الجائز أنها سرقتنى مرة.. ولكنى واثق من أنها خجلت من نفسها في المرة الثانية.. ثم كفت عن السرقة.. لأنها أحست إنى أحترمها.

مالك تحملى في وجهى هكذا.. العب.. ارمى الزهر.. - «في ارتباك» أصلها شيش نيش ولا أعرف أين أضع القشاط.

- كيف لا تعرف وأنت الشاطر.. وحياتك كلها لعب في لعب.. ضع القشاط في أى مكان.. إن أى مكان مثل الآخر.

- هل تعتقد أن زوجتك الآن لا يمكن أن تخونك.
- أعتقد أننا كلما كبرنا.. فنحن نكبر على الأشياء الصغيرة في نفس الوقت.. ولسنا مثلك نصغر على الأشياء الكبيرة.. هذا منطق لا يفهمه إلا أصحاب البيوت.. منطق بعيد على أصحاب الخرابات من أمثالك.
- أنت قليل الأدب.

- أنا قليل الأدب.. وماذا تقول عن نفسك.. يا قليل كل شيء.. ومع هذا فاعذرنى.. فقد تطاولت عليك.. أشفقت عليك من غرورك فأردت أن أفتح عليك الدش لتفريق على نفسك وعلى حقيقتك.. فقد يكون هناك وقت.

- (يفكر في أشياء أخرى).. نعم قد يكون هناك وقت.. ومن الضروري أن أتعجل حالى قبل أن يمضى الوقت إلى غير عودة.. كلامك في محله.

- العب.. ارم القشاطر.. من فينا الغالب أنا أم أنت.
.. لا أعرف.

بعد الحديث بيوم.

العشيق والزوجة منفردان في إحدى غرف البيت والزوج غائب.

العشيق - فاطمة، سوف أنتظرك الليلة، لا بد أن تأتى.

- ما هذا الكلام الفارغ الذى تقوله.. انت تعرف أن هذه الحكاية انتهت من زمان.. وأنها كانت لحظة ضعف.. ندمت عليها وانتهى كل شيء.

- ولكنى أحبك.. ما زلت أحبك يا فاطمة.

- هل جننت.. ما هذا الحب الذى تتحدث عنه.. وما مناسيته؟

- هل نسيت ما كان بيننا؟

- وماذا كان بيننا يا أحمد؟ لقد كان بيننا كذبة وخدعة.. وانتهت.

- لا تقولى هذا.. لا تشوهى اللحظات الجميلة التى عشناها معاً.

- (تضحك فجأة) أى لحظات جميلة أياها المجنون.. هل تفهم حقاً ما تقول، هل تدرك متى.. وأين.. وكيف تقوله؟

مثل هذا الكلام كان معقولا منذ عشر سنوات.. كان له جو موسيقى ونور أحمر، وكانت هناك شابة صغيرة طائشة تستمع لك.. فى هذه الظروف كان مثل هذا الكلام له معنى وله جدوى.. أما الآن.. وفى بيتى.. وفى الصالة.. تقف لتقول هذا الكلام المضحك.. وشعرك منكوش وشايب.. لا شك أنك جننت.

- (في غيظ.. وقد بدأت تتجمع الدموع في عيني.. وقد عز عليه أن يكون محل سخرية) لم أكن أتصور أن تكلميني هذا الكلام في يوم من الأيام.

- أنا أدرك لماذا أنت متأثر إلى هذه الدرجة.. لأنك أصبحت عاشقاً عجوزاً.. لم تعد حصان الرهان كما كنت في الماضي.. سقط حقلك بمضى المدة وأقلست وسائلك.. لكني ما ذنبي.

- لا يد أن أراك اليوم..

- حاول أن ترى نفسك أولاً في المرأة.. وعد إلى عقلك.. كفى جنونا..

- أنا أعرف أن عشر سنوات مضت منذ ذلك اليوم.. ولكني ما زلت أحبك.. وما الفرق.. بضع شعرات كانت سوداء فأصبحت بيضاء.. ما الذي يمكن أن تغيره هذه الشعرات؟

- أنت مغرور.. كل حياتك غرور في غرور.. إنك لم تحب أحداً.. لقد كنت دائماً تحب نفسك.. ما الذي جعلك بعد عشر سنوات تعود فجأة لتقول.. أريد أن أراك.. أهو الحب؟!

لا.. إنه الغرور.. النزوة المتسلطة عليك بأنك الفتى الأول الذي لا يرفض له طلب.. إن علاجك الوحيد هو

المرأة.. اجلس أمامها في الجرسونيرة كل ليلة.. وتفرج على نفسك.. على العشيقة الوحيدة التي أخلصت لها طول عمرك.. أنت مسكين..

يفاجأ بهذه الكلمات.. وينخلع لها فؤاده.. ربما لأنها صادقة.

يصمت.. ويتخلل شعره بأنامله ليخفي ارتجافها.

يدور المفتاح في الباب ثم يدخل الزوج في خطوات بطيئة.. شكله يدل على أنه مريض.. ويده على بطنه.. وهو يتلوى من مغص حاد.

- فاطمة.. قربة الماء الساخن.. على عجل.. أرجوك.. (ينظر إلى أحمد).. أحمد.. مالك واقفا هكذا تحملي في المرأة.. تتفرج على جمالك السابق.. فتاك يا ولد فتاك.. لم يبق إلا أن تصبغ شعرك وتصبح جيمس دين.. ما أشد ما يحرك منظرك إشفافى.. إنك تذكرني بأرتيست الحرب التي راحت أيامها.

قربة الماء الساخن يا فاطمة.. آه يا بطنى.

يتحول البيت في لحظة إلى خلية نحل محورها الزوج ومن حوله حلقة متماسكة من الأولاد والبنات والزوجة.. وفي كل عين لُفحة.. ودمعة حائرة.. وسؤال قلق.

إنهم جميعًا مشغولون بأبيهم.. وكل واحد يحاول أن يسبق الآخر إلى تلبية طلباته. وهم ينسون العشيق الذى يتقلص إلى شبح واقف فى الظل.. لا أحد يلحظ وجوده.. مجرد كلب جربان معدوم الحقوق.. حتى الابن الذى يدعى أبوته يبكى أمامه على رجل آخر.

وهو ما يزال ينظر فى المرأة.. باحثًا عن رجل قديم كان يعرفه منذ عشر سنوات.. رجل كان ينتصر دائمًا فى كل معركة.. ولكنه لا يجده.

ولعله يشك الآن أن هذا الرجل كان موجودًا بالمرّة.. وأنه انتصر انتصارًا واحدًا حقيقيًا.

صاحب الجلالة

وراء الكواليس.. الرواية لم تبدأ بعد والستار مسدل.. والممثلون فى ثيابهم المسرحية يروحون ويحيئون يهمسون بأدوارهم.. أحد الأبطال فى ثياب الكاهن لا يفكر فى دوره إنما يتحدث عن حماته.. وعن أجور المساكن.. ومصاريف الأولاد.

الملك يجلس بثيابه الفاخرة على صندوق سكر مقلوب يصغى إلى حديث الكاهن ثم يهمس:

- إدينى نص الساندويتش اللى فى إيدك.

- ما تبتعت يا أخى تجيب لك ساندويتش من الرواية وتبطل أمور الشحاته دى.

- ادينى قطعة طيب.. قطعة.. أعوذ بالله.. هو انا انا انا..

عزبة.. دنا باطلب قطعة.

- ما انت واكل معايا الظهر.. لحقت تهضم الأسمنت الى كلنا.

- واكل معاك مين.. إنت مسطول.. دنا هنا من الصبح على لحم بطنى.. قاعد أحفظ فى البروفة وأمثل فيها لما اتتبع حسى.. عمال أزغق وأقول.. طيفون طيفون يا وزيرى الأبله أما زلت ترصد النجوم.. وتقرأ كتاب الموقى عن الغيب.. ها.. ها.. أنت نعلان.. أفق.. افتح عينيك جيداً.. لا غيب هناك... ليس هناك سوى أنا وأنت.

وطول النهار على الحال ده.. قاعد مربوط قدام المخرج زى مكنة الغنا.. يدورنى بإيده.. أقف وأقول.. ها.. ها.. ها.. إنت نعلان.. يروح موقفنى تانى.. ويقول لا.. مش كده.. بصوت واطى شوية وميلان.. وعريض.. وبلاش ها.. ها.. ثلاث مرات.. كفاية مرتين.. ويروح مدورنى تانى.. وأنا قاعد بطنى تزغور وتقصص.. وتقرص.. وكل ده عشان الفن.. الفن.. شفتنا الفقر عشان الفن.. وشحتنا عشان الفن.. والآخر شفتنا الجوع.. ولسه.. ياما حانشوف..

تصدق بالله يا أحمد.. مش أنا قاعد قدامك دلوقت وباضحك.. لكن بيتى بينحجز عليه.. وعفشى بيتباع بالمزاد العلنى، والناس واقفين فى الحوش كل واحد يزود على

التانى.. ناس ما أعرفهمش بياكلوا لحمى ويشربوا دمنى ويبيعوا حياى.. وبعد الحفلة حاروح مالاقيش لى بيت.. مراقى مطلقة فى بيت أبوها.. وأودة النوم على الخشب..

صعبان على الفار اللي كان كل يوم بيتعشى معايا.. مش حايلاقى أكل النهاردة.. ذنبه إيه الفار.. مسكين.. مسكين.. أصله فار أرتيست.. لازم يجوع زى صاحبه.. فار فقرى.. ها.. ها..

إدينى قطعة بقه من السندوتش.. بطنى بتقرص يا سلام ده انت فرعون صحيح.. لازم عاوز تتقن دورك يا ناصح.. حمى الفن برضه.. مش كده.

يشد شعره من الغيظ.

- الفن.. الفن.. أروح منه فين..

ينظر فى الساعة..

- دورى جه. أما أقوم بقه.. وعوضى على الله فى الساندوتش.

- يشد قامته ثم يقف منتصباً.. دماغه تكاد تحرق السقف.. ويرسم على وجهه عظمة الملكية وجلالتها وجبروتها.. ثم يخطو إلى المسرح فى خيلاء وقد أمسك بصولجان الملك فى يمينه.

تمر دقيقة ثم يسمع صوته الجهير الممتلئ بهز جنابات المسرح:

- أين حكيم القصر.. أين شيخ الكهان.. أين حامل أختامى.. أين قائد جندى.. أين أولياء الأمر فى منف ليسمعونى.. إنى أفتح خزائنى اليوم ليفيض ذهبى وخبزى وقمحتى على كل مصر فى طول البلاد وعرضها حتى لا يبقى على الأرض جوعان.

إنى آمركم بهذا.. أنا ملك مصر المعظم.. وواهب الطعام.. والخبز للجميع.

يبتسم صديقه من خلف الكواليس وهو يصغى إلى كلماته.. وتتندى عيناه بالدموع.

جرسون

بنى جورجىادس ميخاليدس بسكاليدس جرسون.. إنسان غير مهم.. فالمجتمع يستطيع أن يعيش بدون جرسون.. والأرض تستطيع أن تدور حول نفسها كل يوم كالمعتاد بدون جرسونات على سطحها.. ولكن بنى جورجىادس ميخاليدس ينظر إلى المسألة نظرة أخرى جدية.. ينظر من خلال قوطته فىرى الدنيا كالبار الكبير لا يستطيع أن يستمر لحظة واحدة بدون جرسون.. من السهل عليه أن يفهم حياة بدون ماء.. ولكنه لا يستطيع أن يفهم حياة بدون بيرة.. وأسعد لحظاته حينما يتلفت حوله فيجد عشرات من السكارى هو الوحيد

بينهم الذى يحتفظ بوعيه.. أى تضحية أن تكون زامر الحى..
ولا تطرب.. أن توزع الانبساط والضحك على الناس
وتقنع بالعبوس، والتجهم وعدد الطلبات.. ولكنها المهنة
الإنسانية.. لقد ولد يجرى فى عروقه النبىذ.. ولد جرسوناً
عريقاً من البداية.

وأنت إذا دخلت عليه البيت الآن وجدته يثرثر إلى
زوجته كاترينا فى سيل من الكلمات الرومية التى تتساقط
من فمه كاللقاقيع..

وأنت لن تفهم شيئاً من هذه المستريا، ولكنك سوف
تحس أن بنى جورجى داس ميخايل ديس سعيد.. وأنه قد أفرغ
نبىذ البار فى جوف الزبائن..

وسوف يخرج بنى جورجى داس أنيقاً رشيقاً لامع الشعر.
إنه ذاهب إلى البار وقلبه خاشع.. كأنه ذاهب إلى صومعة
أو معبد.. وهو يترنم فى الطريق بنغمة راقصة.

واحد زبيب قبرصى دويل.. ثلاثة ويسكى بالصودا..
ياتينا.. وعط فى كلمة ياتينا.. ويتأود.. فهى اسم البارمان..
صراف الخمر.. وموزع اللذات.. وحبيب العمر..

ما أصغر الدنيا.. بارمان من جنوه وجرسون من أثينا فى
بار بمصر.. جغرافية العالم على مائدة واحدة..

ويدخل البار كعادته.. فيلقى ابتسامة عريضة على كل
الغرباء كأنه يعرفهم من سنين.. ثم ينظر إلى الركن..
هذا هو الشاعر والى، وحوله ثلة من الشعراء المعاتيه
يشربون، والشاعر يلوح بذراعيه ويقول شيئاً، والجالسون
من حوله يصفقون وهو لا يفهم إلا كلمة يردها الشاعر
بين وقت وآخر.. هى كلمة.. خمرة.

يا خمرة يا ملهمة يا عصير النفوس..

يا خمرة يا مجرمة يا طاحونة فلوس..

بتنورى المخ زى الفانوس..

وبتاكلى فى الجثة زى السوس

يا خمرة..

يا دم.. جوه الكئوس

مين الى باعك..

يا ساعة ناقصة التروس..

بتوقف العمر قبل الأوان..

يا ساقى هات السم هات الشراب

هات الإسبرتو، ولع الأعصاب

هات العذاب..

أنا جاي أبيع الذهب..

بسعر التراب..

وأبيع سنين الشباب

من غير تمن..
يا ساقى.. هات.. هات..
يا خمرة.. أيوه تمام يا مسيو والبي هو ده الشعر
الأصولي..

ويضع الشعر في الضجة، وفي صيحة بنى التقليدية.. اثنين
قبرصى دويل.. ياتينا.. والفوطة تتأرجح في ذراعه وهو
يتلوى كمصارع ثيران، والجو يعبق بالدخان.. والعطور
الباريسية ورائحة المزة والشواء..

وفي ركن قصى مظلم يجلس شاب مع فتاة وهو يكاد
يحيطها بذراعيه، ويكاد يقبلها وهو يتكلم، وبنى ميخاليدس
يتراقص حوله كالذبابة، وعلاً له كأسه كل دقيقة.

- اشربى يا قمورة.. دى القزازه لسه بحالها..

- أنا دماغى بتلف يا فؤاد.. وعينى بتطلع نار..

- أنا عاوز النار دى يا حبيبى.. أنا روحى تلجت من
البرد، من الوحدة.. أنا عاوز النار دى عشان تدفينى..

- هىء إنت وحيد.. إنت.. يا نارى منك.. يا ويل الى
تقع فى إيديك، بتاكلها وتتعشى بيها.. يا ديب إنت..

- أنا ديب أنا؟

- أيوه ديب بتاكل الفراخ.. هىء أنا بحبك يا ديب..

- وأنا بحبك يا فرخة..
- وأنا بحبك يا ديب.. أنا.. أنا.. تعبانة.. عاوزة أقوم..
- نروح فين؟
- نروح بعيد عن الناس.. فى الخلا.. عاوزة أضربك
واقطعك هدومك..
- وبعدين؟
- معرفش.. بعدين يا ديب..

ويضحكان ويتميلان وتلامس الحدود وتضع
الضحكات فى الضجيج، وفى طرقة الزجاجات التى يفتحها
بنى..

وفي ركن مظلم.. رجل ثان لا يشرب وإنما يحرق التبغ
وينفث الدخان..

إنه يجلس وحده منذ ساعة.. يشرب القهوة.. ويمز
بالسجائر، وقد شحب وجهه فأصبح كتمثال من الصلصال
الأصفر.. وتقاطع عليه النور والظل كلوحة بارزة من الرسم
التكعيبى..

وبنى لا يهيمه من هذا الرجل إلا أنه لا يشرب..
لا يريد أن يفقد وعيه.. وهذه صفقة لبنى وإهانة لكرامته..
وهو لهذا يروح ويمضى ويتأرجح، وقد زاد من اهتسامته

إلى الضعف، وبالغ في انحناءاته حتى كاد يدور كالرجل حول نفسه، ولكن دون جدوى.

لقد رفع الرجل إلى فمه كوباً من الماء المثلج، ولا شيء غير ذلك.. أهو فنان.. أهو شاعر.. أهو فيلسوف.. أهو مجنون.. أهو رجل نصاب.. أهو تاجر مفلس.. أهو زوج مخدوع؟ ولكن هؤلاء هم الذين يشربون..

ليس هناك إلا تفسير واحد.. أن يكون جرسوناً.. جرسوناً من الهند أو الحبشة أو مراكش أو اليونان أو أى مكان على الأرض.. ليذهب إلى الشيطان إذن.. إنه لا يهم بنى فى شيء..

والليل يتقدم والموائد تنفض ولا يبقى إلا ماسح الأحذية وبائع اللواتية وبائع الفستق.. ورجل مقطوع الساقين يزحف على قطعة من خشب ذات عجلات عند الباب.. ويمد يده لبنى يطلب إحساناً فيصيح بنى فى شراسة:

- انتى مسكتو واحد جنيته النهارده من الشحاته.. انتى أغنى منى.. الحشبة دى محشى فلوس، والطاقيه دى محشى فلوس.. انتى تبنى عمارة من بنى.. انتى تخرب بيت بنى.. امشى ياللا.. امشى.

وهو يدخل البار ويجمع الجرسونات ويتقاسم معهم البقاشيش، ثم يخلع اللبس الرسمي ويرتدى لبس الخروج

ويغلق البار، ويسير فى الطريق وهو يصفر.

- خريستو زمانتو راح البيت.. بيقل البقالة بدرى.. مغفل مفيش مخ.. لازم يفتحه لنص الليل.. وكاترينا زمانتو نام زى الجاموسة.. وكاتى وستلا زمانتو بيرقصوا لسه فى الكباريه.. بنات تمام.. ولاد بنى، أصولى دول.. بيمسكو ميت جنيته فى الشهر.. وميشو حمار قليل الأدب.. أقول له افتح دكان.. افتح دكان برسيم افتح دكان سيارس.. افتح دكان زفت.. افتح دكان قطران.. فايدة مفيش.. مخ خشب.. موش ابن بنى ده موش ابن بنى.. أوخ.. أوخ.. من ميشو.

المنيا طوالى.. ده مشوار مليح.

وبدا يقرقر ويضع فى حفانى كبشة من اللب.. وكان يقرقر
ويتكلم ويضحك وهز رجله ويديه فى وقت واحد.. وأنا
أتأمله فى استغراب.

كان كالح البشرة قصيراً بطيئاً.. لا يكف عن الحركة..
وعجبت كيف يعيش إنسان فى غرفة مغلقة لا تدخلها
الشمس ثلاثين سنة متوالية يزاول عملاً واحداً لا يتغير كل
يوم.. ومع ذلك يجد القدرة على الضحك.
وبدأت أختنق برائحة التراب والهواء الفاسد.

- الهوا مكتوم أوى فى الأودة يا صبحى أفندى.. مش
ممكن نفتح شباك.

- شباك إيه يا راجل.. ده الدنيا تلج.

وكان التراب قد وصل إلى حلقى فبدأت أعطس.

- أصل التراب هنا زى النشوق.. أنا بقالى ثلاثين سنة
أعطس زيك كده.

وسكت قليلاً ثم أردف:

- يا سلام.. من المنيا.. ده مشوار مليح.. كنت ابعت

لى يا أخى وأنا كنت قضيت لك حاجتك وجبتها لحدك فى
المنيا.. بدل ما تتعب التعب ده كله.

دقة قديمة

قادنى الباشكاتب العجوز إلى غرفته وهو يفتح ذراعيه..
ويكاد يأخذنى فى حضنه:

- والله مراحب.. والله سلمات. شايف أودق واسعة
ازاى زى ملعب الكورة.

وابتسم فى بساطة وهو يدير رأسه نحوى ويفتح فمه
فيبدو طقم أسنان يهتز داخله:

- تعرف بقالى كام سنة هنا؟.. ثلاثين سنة بالتمام..
اتفضل.. اتفضل.. أجيبلك قهوة.. حاجة ساقعة طيب..
ولا ساقعة كمان.. طب خد قرقر.. يا سلام.. وجاى من

- يا سيدى كتر خيرك..

- ليه.. كتر خيرى ليه.. دنا نفسى أسافر.. دنا قضيت
عمرى ما غيرتش الكرسي إلى قاعد عليه.. ده أنا عندى
المنيا دى زى أوروبا.. يا سلام.

وقام من كرسيه.. وهرش قفاه ثم أخذ يتلفت منادياً:
- يا مندور.. يا مندور.. يا خويا سايبى.. هنا لوحدى
زى الغراب.. ولا ساعى.. ولا فراش.. ولا حاجة.. يعنى
لازم أحط الكرسي واطلع أجيب الدوسيه من عش
السحالى إلى فوق.. نهايته.. عشان خاطرك.. أصلك راجل
طيب.

وترك مكتبه ورشق القلم الكوبيا فى أذنه وأخذ يحملق فى
الحائط ويعد على أصابعه:

- وسيداتك بقى من مواليد كام؟

- من مواليد سنة خمسة.

- يا سلام.. يعنى من أيام هوجة عراقى.. دنت أناريك
راجل مخضرم.. ده صحيح الدهن فى العتاقى.

مين يا خويا اللى بيعكرت ورا الدولاب ده.. يا وله
اتكن بلاش شقاوة.

- هو فيه حد معانا.. والا إيه؟..

وضحك الباشكاتب.. وظل فمه مفتوحاً برهة.. وعيناه
الساذجتان تحدقان فى وجهى من تحت النظارة.

- تعال يا حودة سلم على عمك.

ونقر على المكتب.

- اظهر وبان.

وأطلت عين صغيرة من خلف الدولاب.. أعقبها وجه
غطاه التراب وطفل يتدلى قميصه الأحمر خارج البنطلون..
وقد احتضن عود قصب.

- تعال سلم على عمك.. واديله عقلة قصب.

وتقدم منى الطفل فى خجل وقدم لى عود القصب كله..
وكان وجهه لطيفاً بريئاً.

- ده يبقى بسلامته محمد ابنى.. كل يوم يا سيدى لازم
يشبط فى ويعيط.. ولازم يبجى معايا الديوان.. عاوز يطلع
باشكاتب.. وتبقى له إدارة وإمارة زى أبوه.. الأقرع..
الزليطة.. ده.

وأخذ يسمح على رأس طفله.. وكانت مخلوقة بالموس..
وناعمة كالعجورة.

- أنا دائماً أحلق للولاد ثمرة واحد.. مش أحسن برضه
نضافة.. وأنا كمان بحلق ثمرة واحد.. شوف..

ونخلع طربوشه ومسح على رأسه:

- الواحد تبقى رأسه هاوية..

وضحك في سذاجة.. وفتح درج المكتب وأخرج منه خيارة.. دسها في يد الطفل:

- خذ ولا تقولش لحد.. أجرى اقعد على المكتب بتاعك.. وحرر الدوسيه.. ورينى الشطارة.

ونظر الطفل إلى الخيارة متردداً.. ثم اختطفها.. وهروا مبتعداً.. وهو ينظر إليها كأنه لا يصدق أنها أصبحت ملكه. وانكفاً صبحى أفندى على مكتبه من جديد والضحكة ما زالت تلعب على وجهه.. وأخذ يدندن أغنية قديمة. وأعجبه صوته فأخذ يخط في المقاطع ويتأوه على طريقة الحمولى.

وبالرغم من أن الغرفة كانت مقبضة والجو راكداً.. والتراب يزكم الأنوف.. فقد بدأت أبتسم، وانتقلت العدوى إلى فرحت أهرقدى على النغم القديم.. وغاب هو في دوامة الفن وأخذ يطوح رأسه.

- يا سلام.. إيه الطرب ده كله يا صبحى أفندى.. ده انت سلطان.

- يا سيدى الله يخليك.. ده بس من ظرفك.. شوف يا أستاذ.

وأدار رأسه إلى ناحيتى.. ونقل القلم الكوبية من أذن إلى أذن:

- شوف.. اوعى تصدق ان فيه غنى دلوقتى.. ده كلام.. الغنا كان زمان.. كان المغنى يقعد على التخت ويقول.. يا.. يا.. يا أى حاجة تيجى على مخه.. إنما طرب.. متقدرش تقعد على بعضك.. ويكن يقعد يقول.. يا.. يا.. يا.. لغاية الفجر وبعين يقول.. يا قمر.. ومع كده ما تقدرش تسييه.. وتبقى قاعد عطشان ومتراضاش تشرب.. فن.. فن.. مش الكلام الباضى المايص بتاع دلوقت.. تفتح الراديو.. تلاقى واحدة بتقولك.. تعالى يالله.. يالله.. تعالى يالله.. يالله.. تعالى يالله.. تعرف تقولى فين.

وعاد يهرش قفاه وينقل القلم الكوبية من أذن إلى أذن ويقلب الدوسيهات.

- تعالى يالله.. فين.. تعرف تقولى يا مبارك..

ونظر إلى من تحت نظارته ثم عاد إلى الدوسيهات:

- زمن.. هو أصله زمن.. نهايته.. نرجع لشغلنا أحسن.. بتقول يا سيدى اسم الكريم.. صالح.. صالح.. ال.. الشيكشى.. هيه.. هيه أيوه يا سيدى أدى الملف اللى عازينه.. أنا عطلتك شوية.. مش كده.. لكن خلاص هانت.. أصل اخواننا هم اللى بيكرهوا على الشغل الكدر

ده.. كل حاجة خد يا صبحى أفندى.. هات يا صبحى أفندى.

- إنت أصلك راجل أمير..

- يا سيدى ده من ظرفك.. يا سيدى ده من أصلك..

وغاب مرة أخرى فى الورق يكتب ويخرج طرف لسانه من الحماس.. ويمسح رأسه ويتطوح.. ثم رفع عينيه أخيراً فى ارتياح:

- الحمد لله.. خلصنا.. يالله بينا بقى.

وبحث عن الطربوش حتى وجده خلف الدولاب..

- أما شيطان صحيح.. بقى يا واد مش لاقى حنة ترمى فيها مصاصة القصب غير طربوش أبوك.

وسحب طفله من أذنه.. وعاقبه بقبله رنانة على خذه:

- ترمى الزباله فى طربوش أبوك يا كلب.. أنا لازم أرنك علقه سخنة.

ولم أر على وجهه بوادر لهذه العلقه الساخنة.. بل كان وجهه سميحاً طيباً يفيض بالإشراق.

وحينما وقف على الباب يحادثنى ويروى لى متاعبه كان ما يزال يبتسم.

- تصور يا سيدى.. أن المفتش جه وجرد المخزن وطلع

عجز فى العهدة مية وخمسين جنيه خصمهم منى.. ويقالى سنتين بقسط فيهم.. حاسل إيه.. أصلى راجل باشتغل بالله.. أمضى يا صبحى أفندى.. أبصم يا صبحى أفندى.. استلم يا صبحى أفندى.. سلم يا صبحى أفندى.

كان وجهه صافياً وهو يتحدث عن الظلم وعيناه مليتان بالطيبة.

وخيل لى أن أى عذاب لا يقوى على هزيمة قلبه الطيب..

وحينما مضيت وحدى إلى باب المديرية.. ووقفت أدخن تحت الجميزة العتيقة.. كنت أفكر فى هذا الإنسان.. وأتساءل.. ماذا جنى فى مقابل طيبته.

وكان الموظفون يخرجون جماعات صغيرة ويتفرقون عند الباب.. ثم شاهدت رجلى الصغير يدور فى الحوش وقد تعلق الطفل بينطلوته.. وكلما خطا خطوة.. اجتذب رجلا إلى موكيه حتى إذا اقترب من الباب كان قد تحول إلى مظاهرة لا تسمع فيها إلا جملة واحدة تتكرر كل مرة بأسلوب.

مهروك يا صبحى أفندى.. الحمد لله يا صبحى أفندى.. تعبتك يا صبحى أفندى.. تشكر يا صبحى أفندى.. ممنون

يا صبحى أفندى.. اطلب يا صبحى أفندى.. مرسى
يا صبحى أفندى.. جايلك يا صبحى أفندى.. أمرك
يا صبحى أفندى.

وقرأت الجواب على سؤالى.. مكتوباً على وجوه الناس..

الماء و الزيت

كان يقول لها بانفعال وهو يقبض أصابعه ويبسطها:

- إني أعيش فى حيرة.. فى شك دائم.. وعذاب.. لقد
مرت على علاقتنا سنة.. وما زلت كما كنت فى البداية..
لا أعرفك.. لا أعرف إن كنت تحبيننى أم لا.. ما زال ستار
التكلف قائماً بيننا.. لم تحدثينى بكلمة واحدة عن ماضيك..
عن حياتك.. عن آمالك.. وأحلامك.. ما زلت تنظرين إلى
نظرتك إلى رجل غريب تعاملينه بحذر وتحفظ وارتياب.

وفى الوقت الذى أغبر فيه حياق كلها من أجلك وأثرا
أصدقائى وسهراتى.. وأعيش فى حلم مستمر بالله..

أجذك تزدادين بعدًا عنى كل يوم.. وتعاملينى بجفاء..
لقد كان لى أمل واحد طول هذه السنة.. أن أفهمك
كما أحبك.. أن أحس بأنك تمنحني حق الصديق على
الأقل فتشركينى فى مشكلاتك..

ولكن ها نحن أولاء غرباء ينظر كل منا إلى الآخر كأنه
ينظر إلى كتاب.

إن القبلات التى تتبادلها تشبه الدق على أبواب مغلقة
لا تفتح أبدًا، والعناق لا يكاد يختلف عن المصافحة..
إنى ما زلت وحيدى.. وأنت ما زلت وحدك..

إننا كالزيت والماء.. نعيش جنبًا إلى جنب فى زجاجة
واحدة..

ولكننا لا نختلط أبدًا مهما رجت الزجاجة..
هل هذا هو الحب الذى كنت أحلم به؟..
أريد أن أفتح قلبك لأعرف الجواب.. إن شفقتك
لا تتلكمان.

إن الحكم بالإعدام يريح لأنه حكم.. أما الحياة فى
القفس أمام قاض لا يحكم ولا يفض الجلسة فهى
لا تطاق..

قولى لى.. لا أحبك.. لأستريح..

كان يتكلم بانفعال.. وسكت وهو ما زال يقبض أصابعه
ويبسطها..

ونظرت إليه نظرة طويلة مسكينة.. وحاولت أن تتكلم
ولكن الكلمات لم تسعفها..

ودمعت عينها ونظرت إلى بطنها العالية.. إلى الجنين
الذى يتحرك فيها منذ سبعة أشهر.. وقالت فى تأثر:

- أنا لا أفهم فى الكلام.. أنا خرساء لا أعرف كيف
أديج الأحاديث.. لا أعرف كيف أصنع أحاديث مزخرفة..
وأقول لك أحبك.. أعبدك.. أهيم بك.. لا أنام.. لا أكل..
لا أشرب..

لقد تعودت أن أصنع لك حياتك دون أن أعلن عن
صناعتي.. ألا تجد أشياءك مجهزة.. وطعامك معدًا.. وأثاث
بيتك نظيفًا.. وقمصانك معطرة؟

ألا تجدنى إلى جوارك وأنت مريض.. ملهوفة عليك
وأنت غائب.. فرحة كالطفلة.. وأنت سعيد؟

وهذا الذى صنعته سبعة أشهر من لحمى.. أليس حبًا؟
وأشارت إلى بطنها.. إلى الجنين.. إلى الزيت والماء..
اللذين امتزجا فى أحشائها وأصبعا لحمًا ودماغًا..
وبكت فى صمت..

مغمض.. وأفتح بطن العيان كأنى بأعزف على البيانو.
ولم يكن واحد من المستمعين يتتبعه، فقد كان كل منهم
يتعجل دوره ليحكى شيئاً عن انتصاراته هو الآخر ولذلك لم
يكذ يفرغ من حديثه حتى انطلق رجل عجوز يجلس إلى
جواره يلوح بيديه قائلاً:

- أنا ما اعرفش فى الجراحة.. أنا راجل مهندس.. لكن
حكاية التمرين دى صحيح.. أنا فاكّر لما وضعت تصميم
عمارة الأسبوطى.. رسمت الكروكى فى نص ساعة وأنا
باشرب الشاى الصبح.. وبعدين على العصر كان مكتب
التصميم شغال زى خلية النحل.. والمهندسين مكفين على
الورق ينقذوا الخطوط اللى رسمتها.. وبعد سنة كانت
العمارة طالعة زى الزرع الشيطانى.. عشرين دور فوق
الأرض.. وكل واحد يبخلق.. ويقول ازاى.. ازاى عملها..
ازاى عملها الجن ده..

ولم يرق للمحامى أن يكون الصامت الوحيد فى الزفة..
فهرش رأسه هو الآخر وما لبث أن قال:

- فى كل حاجة التمرين مهم.. مش بس الجراحة
والمباني.. فى القضايا كمان.. أنا فى القضية الأخيرة اللى
هزت البلد.. استلمت المتهم فطسان من ايد النيابة..
بعترف.. وماضى.. وباصم كمان.. ومع كده كسبت له

أنا

كان كل واحد فى الصالون الأنيق يقول.. أنا.. أنا.. أنا..
الجزاح الكبير ينثف الدخان من سيجار مدلى من فمه
كأنه مدخنة وأبور طحين.. ويتلفت حوله فى زهو.. ويلقى
الحديث على أصحابه فى كلمات مرصوفة منمقة..

- أنا.. أنا.. أنا لما كنت فى مستشفى هيدلبرج فى
ألمانيا.. عملت العملية دى لوحدى ومن غير بنج.. فى خمس
دقائق.. لما الجراحين الصغيرين اللى كانوا معايا قعدوا
يستعجبوا ويصوا لبعض.. مش عارفين طبعا إنى عملتها
ألف مرة فى القصر العيني قبل كده.. وإنى كنت بعملها وأنا

القضية.. ليه.. لأنى عشت فيها.. وعشت فى أمثالها ألف مرة قبل كده..

وكانت زوجة المحامى طوال الوقت تنقر على كرسيها فى ضيق..

- انتو الحقيقة ماسبتوش لنا حاجة يا رجاله.. لكن ايه رأيكو انى أنا حاطع أشطر منكم كلكم.. وانى حاعمل ثلاثة زيكو كمان عشر سنين.. حايقى عندى كمان عشر سنين ابن جراح وابن محامى وابن مهندس.. أنا ولا أنتم بقى؟.. وكان طفلها يتشبث بها أثناء الحديث وهمس فى أذنها بين لحظة وأخرى:

- أنا حلو يا ماما.. أنا حلو؟

والقسيس الوحيد بين الضيوف يميل على الخادم.. ويقول:

- أنا عاوز القهوة سادة..

والشاب الأسمر الذى يقف إلى جوار النافذة يهمس إلى شاب آخر بجانبه:

- أبنا عاوز هوا.. هوا.. مايدوروش المروحة دى ليه؟ وفى وقت واحد كان من الممكن أن تسمع أحاديث غريبة لا يمت الواحد منها إلى الآخر بصلة..

- أنا بقولك الحصان ده مش ممكن يكسب.. اوعى تفكر تراهن عليه.. أنا كلامى عمره ما ينزل الأرض انت عارف.

- أنا دماغى بتدق الظاهر الضغط رجع تانى..
- أنا عاوزهم كلهم يطلعوا ويسيبوني أنا والست الحلوة الى هناك دى..

- أنا مش ممكن أسيب الرجل الندل ده.. الا ما أوديه فى داهية.. أنا لازم أرفع عليه قضية وأدخله السجن.

- أنا اشتريت الأرض من الوقف.. كانت خرابه.. شوف دلوقت بقت إيه..

- أنا مروح..

- أنا حانام هنا..

- أنا..

كل واحد يقول.. أنا.. أنا.. أنا..

وشعرت بالغيظ وأحسست أن كل واحد من الحاضرين كذاب.. وأنه كذب على نفسه حينما حضر هذه السهرة بحجة الصداقة.. فلا أحد كان يفكر إلا فى نفسه.. واستأذنت وانصرفت.

وعند باب العمارة.. كان البواب يلوح بذراعه في وجه زميله صائحاً:

- أنا مش آرف أنا عملك إيه.. أجيبك من هنا توديني هنا.. أنا من النهارده ماليش كلام معاك.. أنا بقالي عشرين سنة على الدكة دى ريس البوابين.. وكلامى يسمعه الكبير والصغير.. أنا لازم..

وفي الطريق توقفت عند محل.. أشتري منه بعض لوازمي.. وكنت ما أزال أفكر في شلة الصالون التي تشبه عقداً منفرطاً.. كل حبة في خيط وحدها..

وحينما بلغت منزلي.. كان يجري خلفي صبي صغير يحمل لى اللوازم في صناديق على كتفه..

وحينما دخلت من الباب.. مددت يدي فتناولت لوازمي وذهبت لتوى إلى غرفة النوم.. وألقيت نفسي على فراشي مرهقاً..

وبعد مضي ساعة تذكرت فجأة إنني نسيت أن أنقد الصبي أجره..

نسيت لأنني أفكر أنا الآخر في نفسي.. في الأشياء التي أريدها.. والأشياء التي لا أريدها..

انفطرت أنا الآخر كحبة وحيدة تجرى في خيط وحدها.. وشعرت بالحنج وال ألم.. وجززت على أسناني.. ولم أدر لمن أوجه اللعنة.. لنفسى.. أم للناس.. من المسئول عن هذا..؟

وكان الصالون واسعاً.. ولكن صوت المحامى كان يدوى فيه.. فيجعله يبدو ضيقاً:

تصوروا.. أهى القضية الى أنا داخل فيها دى خسرانة ميه الميه.. قولولى داخلها ليه.. قولولى.. لأن هنا بيان الفرق بين المحامى والمحامى.. أهو أنا أجرى ورا قضية زى دى، وأشتغل فيها بإيديا ورجلياً.. ليه.. علشان يوم ما أجبب فيها براءة يبقى أكنى أحييت ميت..

قضية زى دى، ما أطالبش فيها بتطبيق القانون.. ولكن أناقش قانونية القانون.. وأدين القانون نفسه.. وأهزه من جذوره.. ودى هية المحاماة..

قضية زى دى تعوز إنك تلف العالم.. مش تقرأ كتاب.. الكتاب ما يعلمش..

الدنيا.. الدنيا.. اللف والدوران.. هو الى يعلم..

شوفو بقالى قد إيه فى سلك المحاماه.. أقل من عشر سنين.. ومع كده مفيش بلد مارحتهاش.. إنجلترا وفرنسا وألمانيا وإيطاليا وأمريكا والسويد.. حتى روسيا..

وفى كل بلد لقيت القانون شكل.. والآخر بقى عندى ألف شكل وشكل فى دماغى.. وبقيت أقعد أفك وأركب القوانين على كيفى وأعمل منها براءة..

المحاماه فن.. فن.. شوفوا عبد الوهاب فنان صحيح..

منتهى النجاح

كان المحامى الناجح يمكس بسيجارة زنوبيا ويتلفت حوله مختالاً يلقي بكلمة هنا وبكلمة هناك كأنه يلقي باقة ورد ويتحدث فى إفاضة وإسهاب عن مغامراته فى عالم القضاء والقانون.. وعن غزواته فى عالم الحب.. وعن المغناطيسية التى فى شخصيته.. والثروة التى جمعها من لا شىء.. والترف الباذخ الذى يعيش فيه.. والمجد.. والشهرة.. والذئوع.. والد.. والد..

وكان الحاضرون ينظرون طويلاً إلى الرجل الذى يقرءون اسمه كثيراً فى القضايا الكبرى.. وقرءون مرافعاته.. ويطالعون صورته..

لكن أنا فنان أكبر منه.. باعزف على المنطق زى ما هو
بيعزف على العود..

الحياة فى المحاكم لذة.. ومش بس المحاكم.. فى البيت
والشارع والمكتب.. شوفوا سنى دلوقت يمكن يقرب على
أربعين.. لكن أى واحدة بتعرفنى.. بتحنى وتعلق بى ويمكن
تسيب شبان صغيرين علشانى.. وتجربى ورايا مش عشان
جواز.. أبداً.. أنا متجاوز ودبلتى فى صباعى.. إنما عشان
الشخصية.. والخبرة.. واللف والدوران.. والصرحة..

الناس بتحسدنى وتقول ده مليونير.. أنا صحيح باخد فى
القضية ألف جنيه.. وعاش فى قصر وخدم وحشم
وعرييات.. لكن أنا مين كمان.. أنا الأستاذ هارون المحامى.

قال هذا ثم بدأ ينقب فى وجوه الحاضرين عن الإعجاب
والإنهار.. ثم ابتلع كوب الشاي الذى كان قد برد أمامه..
دفعه واحدة.. وخيل لى وأنا أراقبه فى أثناء هذه الخطبة
الحماسية عن نفسه.. انه يترافع.. كما لو كان متهماً..

وحينما تفرق الضيوف وانفض الصالون.. ولم يبق أمام
الأكواب إلا أنا وهو.. رأيت وجهه يتراخى ويستريح..
وكأنه كان يلهث ويمجى طول الوقت ثم بدأ يسير بسرعته
الطبيعية.. ثم رأيته يخرج إلى البلكوتة..

وفى البلكوتة.. أخذنى من ذراعى.. وهمس فى أذنى:

- حضرتك دكتور؟

- أيوه..

- كنت عايز أسألك على حاجة..

وكح.. وبلع ريقه.. ثم أردف:

- فيه طبعا أدوية جديدة عشان الـ.. عشان الـ..

عشان الـ.. قصدى الجنس.. والـ..

وتتنحى وسلك زوره وفرك كفيه فى ارتباك وعاد يتهته:

- حكاية الحقن اللى عملوها فى روسيا من القروذ..

- أيوه..

- أنا بسأل عشان واحد صاحبى يعنى.. مش عشانى..

حاكم إنت عارف إن دى مسألة حساسة.. و..

- وماله.. مافيهش حاجة..

- يعنى.. أنا خفت لا يروح فكرك.. إنى أكون يعنى

وضحك ضحكة صفراء مقتضية وأردف:

- طبعا مش معقول..

ومضغ عدة كلمات فى فمه:

- أنا.. أدبى زى ما انت شايفنى زى التور..

والتقط أنفاسه وأخذ يردد:

- زى التور..

وأخذ يحرك يديه كأنه يرفع ثقلاً وينفى عن نفسه تهمة
تلح عليه، ثم سكت فجأة ومهلّق في وجهي كأنه يبحث عن
تجدة.. وبادرنى قائلاً:

.. بس معنى تفتكر صحيح.. حقن القروء دى بتنفق؟

وراح يفرك يديه في ارتباك وتوسل..

ونظرت إلى عينيه في تلك اللحظة.. فلم أجد الأستاذ
هارون المحامى وإنما وجدت رجلاً آخر غلبان جداً..

كوكو

استديو.. لوحات تخطيطية على الجدران.. تماثيل.. هياكل
من الطين لم يتم نحتها بعد.. نسخة رخامية من التمثال
الإغريقى الشهير أوديت، هيكل نصفى لامرأة عارية، رأس
من الصلصال يعمل فيها الفنان بمطواة، وهو ينظر بين لحظة
وأخرى إلى امرأة جالسة إلى جواره.

المرأة - آهاتان هما شفتاى..

الفنان - لا.. إنها طعم شفيتك، إنى أحاول أن أضع
فيهما رعشة الحمى ولسعة النار وعذوبة السكر.. ونعومة
الحرير.. إنى أكاد أتذوق الصلصال وأنا أنحته.. ألا ترين
لسانى وهو يخرج ويدخل فى فمى.. إنى أنحتك بلسانى.

- أنت وغد.. إن من يسمع هذا يقول إنك تحبني حقاً.
- أتسكين في هذا..

- إنى لا أصدق حرفاً واحداً مما تقوله.. إنى تعسة.. إنى أكاد أحس بهذا الاستديو متحفاً للقلوب الكسيرة.. أكاد أرى كل هؤلاء النساء وهن يدخلن مثل بقلوب راقصة كالعصافير.. ويخرجن في النهاية بقلوب ثقيلة باردة كالخجر.. إنك تحول حجارتك إلى نساء.. والتمن ندفعه نحن وحدنا.. بأن نتحول في بيوتنا إلى حجارة.. ومع هذا فأنا أحبك.. إنى ضعيفة.. ضعيفة.. بل مجنونة.. وأنت وغد..

- حقاً.. يالى من ذنب.. لم أكن أعلم كل هذا عن نفسي.. دعيني أنظر إلى وجهي في المرآة..

ينظر في مرآة مكسورة بالحائط ويحدث نفسه:

- يا لك من ذنب عريق.. كان يجب أن توضع في قفص يا ولدي.. ويغلق عليك الباب.. أما أن تطلق هكذا في الشوارع تأكل بنات الناس فهذا..

تمسك بيده وتقبلها.. ثم تقبله في خده وشفتيه.. يستمر في حديثه إلى المرآة..

- أما أن تطلق هكذا في الشوارع يا ولد تأكلك بنات الناس.. فهذا..

تضع يدها على فمه لتسكته ثم تطوفه بذراعيها:
- هذا مستحيل يا آنسة.. كيف أصدق أن دجاجة تقبل ذنباً في فمه.. ثم.. ثم تحضنه.. ثم تندب حظها لأنها راحت ضحية..

- لست ذنباً يا كوكو.. انت حبيبى.. أنفهم.. أنت متوحش فقط، متوحش في جاذبيتك.. كلامك يلتف حول عنق البنات كالخيل.. ونظرتك تخلع عنهن الثياب.. ثم تقطع في لحمهن كما تقطع هذه المطواة في الصلصال، والنهاية إنهن يجيبنك.. بل يعبدنك ثم يكتشفن أن جنسهن كله يحبك..

- وهذه هى الوحشية..

- نعم وهذه هى الوحشية..

- وأنا في النهاية ميذول من أجل الناس.. وليست لى نفس أملكها.. أليست هذه مأساة.. أنت تطليبتى لنفسك.. وأنا لا أملك حتى نفسي، لأعطيتها لك..

يعود إلى النحت ثم ينظر إلى عينيها طويلاً.. ويغضى عينيهِ..

- أحس كلما نظرت في عينيك أنى أنظر خلال نافذتين مفتوحتين على هوة مظلمة.. هوة عميقة..

أريد أن أعرف ما وراء هاتين النافذتين.. أريد أن أضع

في الصلصال الكلام الذى عجزت عينك عن أن تقوله.
أريد أن ألس المجحول خلف الحياة.. أريد أن ألسه..
ألسه..

يخس بالدوار فيضع يده على عينيه:

- املئى لى كأساً من نبيذ بوردو الجديد..

تغلاً له كأساً.. فيشر به دفعة واحدة.. ويطلب كأساً
أخرى..

يظل يشرب حتى تنقل أطرافه.. وينظر إلى الأستاذيو..
فيبدو في نظره كجمدانة كبيرة بها وجه واحد يطفو في النبيذ
هو وجه حبيبته..

ير بيده على جبينها وشعرها.. يقبلها..

- حبيبتي.. لم أعد أصلح لشيء، لقد أصبح رأسى ثقيلًا.
يريح رأسه على صدرها.. ثم يغيبان فى حمى من القلب.

بعد عشرة أعوام..

الاستديو ملئ بالتماثيل.. ما زال تماثيل أوديت الإغريقى
فى الركن تحت المصباح.. الفنان ينحت كتلة من الجبس..
وأمامه امرأة عارية تمامًا، إنها امرأة أخرى غير صديقتها
الأولى.

الفنان - أنت تشبهين فينوس التى خرجت من زبد
البحر.. أتعرفين بماذا أحس وأنا أنظر إلى جسمك العارى؟
المرأة - أعرف..

- لا.. إنى أحس بشيء آخر غير الذى فى خاطرك..
شيء جديد.. صدرك وهو يخفق.. وبشرك وهى تتصب
عرقًا.. وعينك وهما تتألقان بغشاء رقيق من الدمع.. وجفئك
وهو يطرف.. كل هذا يملؤنى إحساسًا بحقيقة جسمك.. فأنت
غدة.. غدة كبيرة تعمل.. أنت الحياة تتنفس، وتتصب دماء
وعرقًا.. أنت الأرض الخصبة وسنبلة القمح وكوز الذرة
المتلى..

ينفعل فيقوم من كرسيه.. ويقترب منها.. ثم يلمسها.
- نعم.. أحبك..

يبتسم فى شروده.. ثم يعود إلى تماثله..
- وأحب هذا أيضًا..

يشير إلى التمثال الذى ينحته.

- ولكنك لا تفعل ما يفعله المحبون يا كوكو..
- إنى أفعل شيئًا جديدًا.. يجب أن يفعل الفنان شيئًا
جديدًا على الدوام..

- إن الفنانين أوغاد.. إنهم يفعلون دائمًا الشيء الذى

لا تنتظره المرأة.. إذا تقدمت لهم كعشيقة عاملوها كأخت..
وإذا تقدمت كأخت عاملوها كزوجة..

- ها.. ها.. إنيهم ذئاب أليسوا كذلك؟
ليتهم ذئاب..

- إنيهم دجاج..
دجاج بمنقار مذهب..

تنظر إليه بغیظ:

يناولها كأساً من النبيذ ويتناول هو ترموس تحت المائدة
وعلاً لنفسه كأساً من الينسون المثلج..

بعد عشرة أعوام أخرى..

الفنان وحده في الاستديو أمام كتلة من الحجر يفكر
ويكد ذهنه:

- أفكر في تمثال اسمه.. الأم.. أصنعه بدون نموذج..
أصنعه من قلبي.. من أحاسيسي ومشاعري.. أصنعه من
الحنان.. والرحمة والرفق..

سوف يشبه صدرًا عريضًا حائياً وأنداءً ممتلئة.. ووجهًا
يكسوه السلام والمحبة.. سوف يغرى الذي ينظر إليه بأن
يضع عليه رأسه.. وسوف يمس لكل طفل بكلمات طاغور:

أنت في سواد العين يا ولدي..

أنت في حنايا الفؤاد..

أنت في دمي..

أنت في روحي..

أريد لغة.. لغة صوتها أعلى من الشعر..

يعمل بأزميله في الحجر..

بعد عشرة أعوام أخرى.. وقد أصبح عجوزًا.. وابيض
شعره كالثلج.. نفس الاستديو وقد تحول إلى معرض..

زحام من المتفرجين..

امرأة تتجول هي وزوجها وأطفالها.. وما تلبث أن تقبل
على الفنان العجوز مهللة.. ثم تميل على أذنه هامسة:

كوكو.. ألا تذكرني؟..

يتطلع إلى وجهها ويتسم في سعادة:

- أهو إنت يا شقية.. أحقًا تزوجت، وأصبحت سيدة
بيت.. لكم أنا سعيد بلقائك..

- أما زلت وغداً يا كوكو..

- لقد أصبحت غرابًا.. وطار من حولي العصفير ولم
تبق إلا تمانيلها، أتذكرين تمثالك؟..

تنتظر إليه في عطف:

- نعم يا كوكو.. وأذكر نبض بوردو الجيد..

تتندى عيناه بالدمع.. ويصافحها في رقة.. تمضى مسرعة إلى زوجها..

ما تلبث أن تخرج من الزحام امرأة أخرى وتهمس في أذن العجوز:

- كوكو.. أتذكرني؟

- نانا الجميلة الرقيقة.. لقد أصبحت سمينة مثل البطلة لا أستطيع أن أصدق أن هذه هي الغزالة التي كانت تبكي بلا سبب..

كوكو.. كوكو.. كوكو..

عشرة النساء تمضى كالأشباح.. كالذكريات الخاطفة كل واحدة تتحدث فتبدو كأنها تتحدث من بعيد.. ثم تختفى.. كما يختفى سرب من اللحظات.

والآن.. لقد ذهبن جميعاً.. وبقي هو وحده.. وانفض المعرض، وخيم الصمت على الأستديو..

وهو يسير مطرقاً.. يروح ويحيى شارد اللب.. ثم تأخذه نوبة من الانفعال.. فيبدأ في حديث طويل هامس متهدج مع نفسه.. وهو يشير إلى تماثيله:

- وهذه في النهاية هي أسرتي.. كلها من الحجر.. أوديت.. إيزيس.. فينوس.. ديانا.. هرمس.. أفروديت.. آلهة الإغريق كلها وأنا على رأسها.. خالقي تعس نسيتي مخلوقاته..

يقترب من أحد تماثيله:

- أنت يا نادية.. كنت تسميني ذئباً.. فأين أنت الآن.. لقد أصبح لك بيت وأطفال ورجل.. وأنا وحيد بين أسرة من الخرس..

كنت في شبابي كالبار.. تدقن باي كلما برد الدم في عروقك فأمنحك كأساً.. وحينها فرغت زجاجاتي.. ذهبت تبثين عن بارمان آخر..

كنت كعربة الجلاس في الصيف.. تجد عابرات السبيل عندي ما يربط حلوقهن.. والآن.. هأنذا وحيد.. وحيد.. لا أجد من يربط حلقي الجاف الملتهب..
يقترب من تماث أوديت:

- أوديت الجميلة.. أنت تفهميني جيداً.. أنت تحملين ذكريات ألف عام على كتفيك..

في عينيك استطاع ذلك الفنان القديم أن يرسم ما لم أستطع رسمه.. ما خلف الحياة..

أوديت الحبيبة..

يمسح على شعرها ويقبله:

- انظري في عيني.. هناك.. في الهوة المظلمة خلف
حياتي.. في روحي.. أرايت حبي.. إنه حب غريب يعشق
الحقيقة ذاتها..

إنه لا يقف عند امرأة واحدة.. وإنما يبحث عما وراء
كل النساء وما وراء كل الرجال.. إنه يطلب صميم الحياة.
لقد تعذبت بما يكفى وراء هذا الحب وهأنذا في النهاية..
وحيد.. وحيد..

إن كلينا من مادة واحدة يا أوديت.. كلينا من مادة
الأحلام.. إني أتمنى أن أفتح عيني فأجد نفسي قد استحلت
عموداً من حجر..

لقد تعبت.. تعبت من إحساسى..

يمسح على شعرها ويكي كالطفل..!

فهرس

الوقت رخيص	٣
عبر ٧	٩
القطار	٧٧
لا أحد	٨٤
الشاطر	٩٦
صاحب الجلالة	١١١
جرسون	١١٥
دقة قديمة	١٢٢
الماء والزيت	١٣١
أنا	١٣٤
منتهى النجاح	١٤٠
كوكو	١٤٥

صدر للمؤلف

- | | |
|--------------------------------|-----------------------------|
| ٢٣- الغاية | ١ - الله والإنسان |
| ٢٤- مغامرة في الصحراء | ٢ - أكل عيش |
| ٢٥- المدينة (أو حكاية مسافر) | ٣ - عنبر ٧ |
| ٢٦- اعترفوا لي | ٤ - شلة الأنس |
| ٢٧- ٥٥ مشكلة حب | ٥ - رائحة الدم |
| ٢٨- اعترافات عشاق | ٦ - إبليس |
| ٢٩- القرآن محاولة لفهم عصري | ٧ - لغز الموت |
| ٣٠- رحلني من الشك إلى الإيمان | ٨ - لغز الحياة |
| ٣١- الطريق إلى الكعبة | ٩ - الأحلام |
| ٣٢- الله | ١٠- أينشتين والنسبية |
| ٣٣- التوراة | ١١- في الحب والحياة |
| ٣٤- الشيطان يحكم | ١٢- يوميات نص الليل |
| ٣٥- رأيت الله | ١٣- المستحيل |
| ٣٦- الروح والجسد | ١٤- الأفقيون .. (سيناريو) |
| ٣٧- حوار مع صديقي الملعون | ١٥- العنكبوت |
| ٣٨- الماركسية والإسلام | ١٦- الخروج من التابوت |
| ٣٩- محمد | ١٧- رجل تحت الصفر |
| ٤٠- السر الأعظم | ١٨- الإسكندر الأكبر |
| ٤١- الطوفان | ١٩- الزلزال |
| ٤٢- الأفقيون .. (رواية) | ٢٠- الإنسان والظل |
| ٤٣- الوجود والعدم | ٢١- غوما |
| ٤٤- من أسرار القرآن | ٢٢- الشيطان يسكن في بيتنا |

- ٤٥- لماذا رفضت الماركسية
٤٦- نقطة الغليان
٤٧- عصر القرون
٤٨- القرآن كائن حق
٤٩- أكذوبة اليسار الإسلامي
٥٠- نار تحت الرماد
٥١- المسيح الدجال
٥٢- أناشيد الإثم والبراءة
٥٣- جهنم الصغرى
- ٥٤- من أمريكا إلى الشاطئ الآخر
٥٥- أيها السادة اخلعوا الأقنعة
٥٦- الإسلام ... ما هو ؟
٥٧- هل هو عصر الجنون ؟
٥٨- وبدأ العد التنازلي
٥٩- حقيقة البهائية
٦٠- السؤال الحائر
٦١- سقوط اليسار

رقم الإيداع	١٩٩٧/٥٩٢٣
الترقيم الدولي	ISBN 977-02-5419-3

١/٩٧/٣١

طبع بمطابع دار المعارف (ج . م . ع .)

* مجموعة المؤلفات الكاملة *


- قصص مصطفى محمود
روايات مصطفى محمود
مسرحيات مصطفى محمود
رحلات مصطفى محمود
- صدرت في بيروت عام ١٩٧٢
صدرت في بيروت عام ١٩٧٢
صدرت في بيروت عام ١٩٧٢
صدرت في بيروت عام ١٩٧٢

حازت رواية « رجل تحت الصفر » على جائزة الدولة لعام ١٩٧٠

هذه المجموعة

تحرص دار المعارف دائماً على تقديم الأعمال
الكاملة لكبار المفكرين والأدباء. والدكتور مصطفى
محمود واحد من هؤلاء الذين أخلصوا للقلم.. فأثرى
ساحة الفكر والعلم.. وطرق أبواباً جديدة لم تفتح من
قبل.. فتتوزع إنتاجه بين القصة والرواية والمسرحية
وأدب الرحلات.. إلى جانب تلك المؤلفات التي تحفل
بالنظرات المعاصرة للفكر الديني والمقارنة بالنظرات
العلمية الحديثة.. والتي لا تزال تنير مزيداً من الجدل
المفيد..

وقد امتد تأثير فكر الدكتور مصطفى محمود إلى
القراء العرب من الخليج إلى المحيط كما ترجمت بعض
أعماله إلى اللغات الأجنبية شاهدة بقدرته على العطاء
المتميز المتنوع.



دارالمعارف

٠٤٤٠٤٨/٠١

